

ქართველთა ეროვნება

წერილი

პროფესორის ნ. მარრისა

იმ სიტყვის გამო
რომელიც დეკანოზს ი. ვოსტორგოვს წარმოუთქვამს
საქართველოს ერზედ

უწმინდესის სინოდის წევრთა და სხვა წარჩინებულ პირთა
კრების წინაშე

რუსულიდგან

ქუთაისი
ი. კილაძისა და ი. ხელაძის სტამბა
1905

Дозволено цензурою.
Тифлисъ, 13 Августа 1905 .

ქართველთა ეროვნება

პროფესორის ნ. მარტის წერილი

(იმ სიტყვის გამო, რომელიც დეკანოზს ი. ვოსტორგოს საქართველოს ერზედ წარმოუთქვამს, უწმინდესის სინოდის წევრთა და სხვა წარჩინებულ პირთა კრების წინაშე*)

„გარნა ესენი, რაოდენნი არა
იციან, ჰგმობენ. ესენი არიან, რომელნი
განიშორებენ თავთა თვისთა

ქართველთა ეროვნება

ქართველთა ეროვნება

პროფესორის ნ. მარრის წერილი

(იმ სიტყვის გამო, რომელიც დეკანოზს ი. ვოსტორგოვს საქართველოს ერზედ წარმოუთქვამს, უწმინდესის სინოდის წევრთა და სხვა წარჩინებულ პირთა კრების წინაშე*)

„გარნა ესენი, რაოდენნი არა იციან, ჰგმობენ. ესენი არიან, რომელნი განიშორებენ თავთა თვისთა (სარწმუნოებისაგან), მშვინიერნი, რომელთა სულ არა აქვს.“

(სამოციქულო, ეპისტოლე იუდა მოციქულისა, მმისა იაკობისა, თავი პირველი, მუხლი მეათე და მეცამეტე)

დიდი ხანი არ არის, რაც ა. სუვორინმა თავის „პატარა წერილებში“ (ნახე რუსული გაზეთი „ახალი დროება“) სამართლიანად აღნიშნა ერთი საოცარი მოვლენა. კავკასიის შესახებ და ეხლანდელის აქაურის მღელვარების გამო მას არა ერთხელ გაუგონია თურმე ამ უკანასკნელ დროს: „ღვთის გულისათვის, რაც შეიძლება ღმობიერად, ღმობიერად

*) წერილი პროფესორის ნ. მარრისა დაბეჭდილია „Рассветъ“-ის 68 და 69 ნომრებში 14 და 15 მაისს 1905 წ.

რება უმთავრესია, ლმობიერებით ყველაფერი გაკეთდებო;“ მაგრამ არ ახსოვს კი, ერთხელ მაინც ეთქვას ვისმე: „ღვთის გულისათვის, რაც შეიძლება გონიერად, გონიერება უმთავრესია, გონიერებით ყოველიფერი გაკეთდებო“. გონიერება ყოველთვის შეიძლება ვიგულისხმოთ, თუგინდ ლმოგიერი, რბილი, ბამბასავით რბილი, როგორც „პატარა წერილების“ ავტორი განმარტებს, მაგრამ ის კი არას გზით არ შეიძლება ვიგულისხმოთ, რომ მომაკვდავს კაცს ჰქონდეს ზეგარდამო მაღლსავით საიდუმლოდ მინიჭებული ცოდნა. და უთუოდ, დამტკიცებითაც შეიძლება ესა ვსთქვათ, არავის არ გაუგონია ამ უკანასკნელს ნახევარ-საუკუნეში კავკასიის შესახებ: „ღვთის გულისათვის, ცოდნითა და მეცნიერებით, ცოდნა და მეცნიერება უმთავრესია, უცოდინაროდ არაფერი არ გაკეთდებო. მაგიერად ამიერ-კავკასიაში ნამდვილ ამბვად გამიგონია, თუმცა ეს არაკვს უფრო ემსგავსება, რომ, როდესაც ერთმა პირმა მოულოდნელად უმაღლესი დანიშნულება მიიღო, გულუბრყვილოდ გაიკვირვა და ჰსთქვა: ეს რა ამბავია, კავკასია ჩემთვის ხომ სრულიად უცნობი მხარეაო? მას უპასუხეს, სწორედ ეს უკეთესიც არისო, თქვენ უფრო თავისუფლად იმოქმედებთო. ამ თავისუფლად მოქმედ კავკასიის მოღვაწეთაგანი უნდა იყოს, უეჭველად, დეკანოზი ი. ვოსტორგოვიც: მამა ვოსტორგოვი გულახდილად განაცხადებს, რომ, როცა ის ათის წლის წინათ ამიერ-კავკასიაში ჩამოვიდა სამსახურისათვის, სრულიად არაფერი არ

სცოდნია ამ მხარის შესახები, ანუ, როგორც თვითონ ავტორი ამბობს (გვ. 307), მას ყოველივე აქაური ახლად სჩვენებია და ყოველივე მისგან შესწავლასა და ფხიზელს ყურადღებას მოითხოვდა. ნაყოფი ამ ათის წლის განმავლობაში ამიერ კავკასიის ფხიზელის ყურადღებით შესწავლისა ჩვენ ვიპოვნეთ ვოსტორგოვის წერილში სახელად „საეკლესიო შკოლა ამიერ-კავკასიაში“ (ნახე „народное образование“ 1905, მარტი, გვ. 307 – 337). აგრე მარტივია მისი სათაური. შინაარსით კი ეს წერილი არის მინიატურული ენციკლოპედია სარელიგიო ყოფაცხოვრებისა და სხვა ცნობებისა ამიერ-კავკასიის შესახებ. ამ წერილის უმთავრესი მიმზიდველობითი ძალა კი გამოიხატება ისტორიულ-კულტურულად საქართველოს შიმოხილვაში და ქართველოთა ტომების, ე. ი. საქართველოს ერის, დახასიათებაში.

დეკ. ვოსტორგოვის ძლიერი სიტყვა ქართველთა ეროვნებაზედ, როგორც სპეციალური რაიმე, ჩვენთვის ძალიან სასარგებლო იქნებოდა განზე გადაგვედვა და არავითარი ყურადღება მისთვის არ მიგვექცია. საზოგადოთ ეს სტატია წარმოადგენს, ჩემის შეხედულობით, საუკადრისო პამფლეტს. თავის ღირსებით ამ სტატიას შეუძლიან გამოიწვიოს ერთიოდენ სიბრალული მის ავტორისადმი. თავდაპირველ სტატია ამხილებს ავტორის ჩვეულებრივს უცოდინარობას ელემენტარულის გეოგრაფიისას, თითქმის კავკასიის მოსამზღვრე ადგილთა გეოგრაფიისასაც. ვოსტორგოვის ცნობებით სჩანს, ვითომც გურია

აქამდის ოსმალეთის მოსამზღვრე იყოს. აი ნამდვილი მისი სიტყვები (გვ. 314): „გურია – ოზურგეთის მაზრა ქუთაისის გუბერნიისა, მდებარეობს ოსმალეთის საზღვრებზედ.“ ისტორიულ ქართველთაგან ვოსტორგოვი პოულობს რამდენსამე მხოლოდ შავიზღვის ნაპირა ჭალებზედ. ცხადია, მას არაფერი სცოდნია, თუ რა ეკლესიებია ქართველთაგან აგებული, სხვაგან რომ არა ვსთქვათ, შავიზღვის პირად მდებარე მთა-გორიან მხარეებში.

ისტორიაშიაც არა ჰქონია ავტორს გამოსაჩენი ცოდნა. განსაკუთრებით სუსტი ყოფილა იგი ისტორიაშიაც. ძველი ალბანია, ვოსტორგოვის აზრით, სრულიად დაამხვესო თურქთა და თათართა ურდოებმა, რომელნიც შემდეგ შეიერთაო საშიშარმა ახალ-სპარსეთის მონარქიამ (გვ. 308 და აგრეთვე 326). სჩანს, ვოსტორგოვს არა სცოდნია, რომ დაეცა ქართველთა და სომეხთათანა კულტურულ ბრძოლაში: ნაწილი მისი მეთე საუკუნემდის სამუდამოთ საქართველოს შეუერთდა და ნაწილი ამაზედ ადრე სომხეთს. ვოსტორგოვი ლაპარაკობს ვიღაც აბორიგენებზედ, ძველის-ძველად საქართველოში მცხოვრებს ტომებზედ, რომელნიც ქართველებს განუდევნიათ კახეთისა და ქართლისაკენ და ზღვის პირად მდებარე ჭალებისაკენ, სადაც იმ დროდგან ურთბაშად თურმე დაარსებულა საქართველოს სამეფო, რომელიც, მეთუთხმეტე საუკუნეში გაყოფილა

საქართველოდ, იმერეთად და სამეგრელოდ (გვ. 308). ეს სულ რაღაც უხერხული კომპოზიცია არის, რომელიც, ცხადათ სჩანს, ვოსტორგოვს შეუთხზავს სხვა და სხვა დილექტანტების მიერ უმეცრებით წამოროშვილის ამბებისაგან და მათ მიერვე გაუგებლად გარდაცემულის ქართულ მატია-ნეთა ლეგენდარულის და ტენდენციულის ცნობებისაგან. საკმაოა ვსთქვათ, რომ „გრუზია“ (ანუ ქართლი), იმერეთი და სამეგრელო ცნობილი არიან არა თუ მეთუთხმეტე საუკუნიდგან, არამედ რამდენისამე საუკუნით წინ ქრისტეს დაბადებამდის და საქართველოს სამეფო ზემოხსენებულ მხარეებში (რომელნიც შეადგენენ ნაწილს ძველადგანვე ქართველთა ნათესავის ტომებით დასახლებულის რაიონისას) მრავალ საკუნით წინ მეთუთხმეტე საუკუნემდის განიყოფებოდა რამდენსამე სამეფოდ. ავტორიტეტულად გამოსთქვამს დეკ. ვოსტორგოვი უსაფუძვლო მსჯელობას ადგილობრივ ენათა ურთიერთობაზედ, მაშინ როდესაც, როგორც ცხადათ სჩანს, არც ერთ ამ ენაზედ ავტორს სრულიად არავითარი წარმოდგენა არა აქვს. მან საზოგადოთ სრულიად არაფერი იცის თანამედროვე ენათ-მეცნიერების. ავტორმა, რასაკვირველია არაფერი იცის, თუ რა არის დიალექტოლოგია და გულუბრყვილოდ სთვლის გარდაწყვეტილად ჯერ კიდევ სრულიად განუმარტებელს საკითხებს კავკასიის ენათა შესახებ. საკმაოა ვსთქვათ, რომ ვოსტორგოვის ტერმინოლოგიით არსებობენ თურმე „წამცდარი ენები“. თუმეები

ზოგნი სრულიად დამახინჯებულ ქართულად ლაპარაკობენო (გვ. 314 – 315). აქვე, კავკასიაში, ვოსტორგოვს მოუნახავს წამხდარი ბერძნული ენაც (გვ. 322). სვანები განსაკუთრებულის ენით ლაპარაკობენო, რომელშიაც ხანდახან წამხდარი ქართული სიტყვები ისმისო (გვ. 316) ე. ი. ვოსტორგოვმა არც ის იცის, რომ სვანები შინაობაში ლაპარაკობენ ქართულის ენის ძმურად მონათესავე ენით, რომელსაც საზოგადო კულტურულის ენისაგან სამატად შეუთვისებია არა დამახინჯებული, არამედ განკანონებულის წესით გარდაცვლილი წმინდა ქართული სიტყვები. შემდეგ ვოსტორგოვი ამტკიცებს (გვ. 327), რომ სომხებს ბევრი სხვა და სხვა ენა აქვსო და ის ენა, რომელსაც სალიტერატურო ენად სთვლიან, ბევრს სომეხთაგანს არ ესმისო. აქ ვოსტორგოვი აღარ ამბობს, რომ თითოეული იმ მრავალრიცხოვან ენათაგანი, მისის ტერმინოლოგიით, წამხდარი სომხური ენა არისო, თუმცა კი ამის თქმის სრული უფლება ჰქონდა. მისის ძირითადის რწმენით ხომ კავკასიის ენები ყველა წამხდარი არიან. ნამდვილად სომხებს ერთი კი არა სამი სალიტერატურო ენა აქვსთ: ძველი, იგივე საეკლესიო, ახალი აღმოსავლეთური და ახალი დასავლეთური. ახალ სალიტერატურო ენათაგან აღმოსავლეთურისა და დასავლეთურის გასაგებია უცილობლად ყველა სომხისათვის იმდენად, რამდენათაც თითოეულის რუსისათვის. რუსული სალიტერატურო ენა და ძველი სომხური ენა, შეუდარებ-

ლად უფრო გასაგებია სომხებისათვის, ვინემ რუსული, შემოდებული მართლ-მადიდებლებისა და სასულიერო სომხურ შკოლებში, როგორც სამასწავლებლო ენა. ქართველთა კულტურულ ისტორიისა და ამასთანავე ქართველთა ნაციონალურ საკითხის შესახებ ვოსტორგოვს კიდეც უფრო ნაკლები ცოდნა ჰქონია. იმას ჰგონია, „საქართველო“ მხოლოდ ეთნოგრაფიული ტერმინი არისო და საქართველოს, ანუ ქართველთა ნათესავის ტომები იმდენათვე განსხვავდებიანო ერთმანერთისაგან, რამდენათაც გერმანული და რომანული ტომები.

შესაძლებელია, ეგ საოცარი და სინამდვილეს წინააღმდეგი განმარტება „საქართველოსა“ იმით აიხსნებოდეს, რომ ვოსტორგოვს რომანულსა და გერმანულს ტომებზედაც, როგორც სჩანს, კიდეც უფრო ბუნდოვანი წარმოდგენა ჰქონია, ვინემ ქართველთა ტომებზედ. იქნება ვოსტორგოვი შეუცდენია ვისმე შინაურს კავკასიელ ლინგვისტს, რომელსაც ქართულის ენის დიალექტური განსხვავება, სხვა და სხვა ადგილობრივ გამოთქმითა და კილოთი საუბარი და ენა, რომელზედაც წერა-კითხვა არ არსებობს და დიდი ხანია მდაბიო პატუად გარდაქცეულა, თუმცა ყველა ესენი, რასაკვირველია, განუყრელად ერთს მონათესავე ენას წარმოადგენენ, მიუღია იმისთანა ნიშნებად, რომლითაც თითქო ირღვევოდეს ერთობა კულტურულის საქართველოისა. ამ შემთხვევაში შეგვიძლიან ვსთქვათ, რომ ვოსტორგოვს არ ჰქონია არავითარი ნამდვილი წარ-

მოდგენა რეალურის ლინგვისტურის ფიზიონომიისა იმისთანა გაერთიანებულ ევროპიელ ეროვნებათა, როგორც არიან გერმანელები, იტალიელები და თვით ფრანგებიც. უნდა ვიფიქროთ, რომ მას აურ-დაურევია ერთმანერთში ლინგვისტური საკითხები საზოგადო-კულტურულ საკითხებთან და ეთნოგრაფიული – ნაციონალურთან. „საქართველო“ არის ტერმინი უპირველესად ნაციონალურ-კულტურული. საქართველო ლინგვისტურად დანაწილებული ყოფილა ძველის-ძველადაც (როდესაც ეს ნაწილები უფრო დაშორებულიც ყოფილან ერთიერთმანერთისაგან) სხვა და სხვა ძმურად მონათესავე ენებად, დიალექტებად და უზნობებად. იგი ჩვეულებრივ განიყოფებოდა სხვა და სხვა სახელმწიფოებად, მაგრამ ამასთანავე საქართველო ყოფილა მრთელი, როგორც ნაციონალურ-კულტურული ერთეული. მისი შემაერთებელი იყო, ქრისტიანობის მიღებიდან, სხვათა შორის ეკლესია და საზოგადო სალიტერატურო ენა. შემდეგ ლიტერატურა შემუშავდა (განვითარდა საერო ლიტერატურაცა, ხელოვნური, ძველათვე) და კიდევ უფრო მჭიდროთ და ძლიერად შეაკავშირა საქართველოს ტომები. განმტკიცდა და დამყარდა ადგილობრივი ნაციონალური კულტურა ერთის სალიტერატურო ენითურთ და ეს სალიტერატურო ენა ცნობილ იქმნა ქართულად. ეს სახელი სწორია და მეცნიერულად კანონიერი მხოლოდ იმ შეხედულობის გამო, თუ ჩვენ ლინგვისტურად განვმარტებთ მისს დიალექტურ საფუძველს. შეიძ-

ლება ვსთქვათ, რომ ეს სახელი სწორია ისტორიულის შეხედულებით რადგანაც ამ საქმის მოთავეობა ეკუთვნოდათ ეთნოგრაფიულად და დიალექტოლოგიურად ქართველებად ცნობილს ტომებს, მაგრამ ეს იყო მეხუთე საუკუნეში ქრისტეს აქეთ. მერმე მეექვსე და მეშვიდე საუკუნიდან ამ სალიტერატურო ენის განვითარებაში მიიღებენ მონაწილეობას ქართლელ-ქართველებს გარდა სხვა ქართველთა ტომებიც: იმერლები, მეგრელები, სვანები, ჭანები და სხვანი და ამათ საზოგადო ქართულ ლიტერატურაში ერთობით შეაქვს, რასაკვირველია, უფრო დიდი განძი, ვინემ თვით ქართლელებს. და ამგვარად ტომებრივი ლიტერატურა მათი გარდაიქმნა ნაციონალურად და სალიტერატურო ენა ქართულ დიალექტურისაგან ზოგად-ქართველთა ენად. აი ამისგამო მრავალი ადგილები ქართველთათვის უძვირფასესის პოემის „ვეფხის ტყაოსნისა“ უფრო კარგად ესმისთ, მაგალითად, გურულებს, ანუ იმერლებს, ვინემ თვით ქართლელებს, ეთნოგრაფიულ საქართველოს ნამდვილს შვილებს. ამისგამოვე მრავალი ფორმები აზრის გამოხატულებისა და სიტყვები საუკეთესო ქართულის პროზისა და პოეზიისა, რომელნიც შიდა-ქართლის სხვა და სხვა ადგილას უცნობი არიან, სრულიად ჩვეულებრივად მიაჩნიათ ცოცხალ საუბარში ამჟამად მაჰმადიანებად მყოფს იმერხეველებს ბათომის მაზრაში. ამისგამოვე საღვთო წერილის ტექსტში ჩვენ ვპოულობდ წმინდა ჭანურს, ანუ მეგრულს და სხვა სიტყვებს. ამ რეალურის

კულტურულ-ისტორიულის შეხედულებით ქართული სალიტერატურო ენა იმდენათვე სვანურია და მეგრული, იმდენათვე გურულია და იმერული, რამდენათაც ქართული. ის არის ღვიძლი სამწერლო ენა ყველა საქართველოს ტომებისათვის, სულ ერთია, რა კილოზედ, რა დიალექტზედ, ან რა ენაზედაც უნდა საუბრობდეს იგი წახლში, თავის კერასთან და ეს ამნაირი მდგომარეობა მათი გუშინდლიდგან კი არ იწყება, მას აქეთ ათს საუკუნეზედ მეტს გაუვლია. იმ დროითგანვე, როდესაც სამწერლო ენა ეკლესიას ემსახურებოდა, ერთის მერვე-მეცხრე საუკუნეში მოღვაწის მოწმობით, ცნობილი ყოფილა ის აზრი, რომ სადაც საეკლესიო წირვა-ლოცვა ქართულად იყო, ყოველგან ის ადგილები საქართველოდ ყოფილა მიჩნეული, ე. ი. იმ დროსთვის სიტყვას „საქართველოს“, ნაციონალურ-კულტურული ტერმინის მნიშვნელობა ჰქონია მიღებული. ცოტახანს იქით ამ ტერმინის მნიშვნელობა კიდევ უფრო ფართოვდება საპოლიტიკო მომენტის გამო. და რასაკვირველია სიტყვა „საქართველო“ იმ შორეულ დროდგან აღარ გამოხატავდა მარტო ეთნოგრაფიულს ერთეულს. ამისგამო ქართველები თავის ქვეყანას „ქართლს“ კი არ უწოდებენ, რომელიც ნადვილად ეთნოგრაფიულს ტერმინს ნიშნავს, არამედ „საქართველოს“ და ეს არის ნაციონალურ-კულტურული ტერმინი, რომელიც რუსულად არც კი გადაითარგმნება, მაგრამ აზრით გამოხატავს ნაციონალურ-კულტურულ ქართველთა ქვეყანას. იმის-

თანა კაცისაგან, როგორც არის მამა ვოსტორგოვი, საქართველოს ელემენტარული გეოგრაფიის თითქმის უცოდინარი, რასაკვირველია არ შეიძლება მოვითხოვოთ, რომ მან სისწორით დააფასოს სრულიად მისთვის უცნობი ნაციონალური კულტურა ქართველთა ერისა; მაგრამ ვიცით, რომ ქართველთა ტომების ნაციონალური ერთობა, ამა კულტურისაგან შექმნილი, ძლიერ ბრწყინვალედ გამოიხატება ნაციონალურს ქართულს ეკლესიაში და მისგან წარმოშობილს და ყველასთვის საღვთოდ მიჩნეულს ქართულს ენაში. ყოველივე, რაც კი საქართველოს ეკლესიას ეკუთვნის, თითქმის უსულლო ჭურჭელნი და სამოსელნი, უენო კედელნი ათას წლოვან ტაძართა, შეწყობილად გულთათანა ყოველთა ჯერ კიდევ შეურყეველთა ძეთა მრავალტომოვანის საქართველოსა, ერთხმად ღაღადებენ პავლე მოციქულის სიტყვებით (კორინთ. I, 12, 12 – 13): **„ვითარცა იგი გვამი ერთ არს და მრავალი ასოები აქვს და ყოველი იგი ასოები ერთისა მის გვამისა მრავალდა თუ არს, ერთ გვამვე არს, ეგრეცა ქრისტე“** ეგრეცა ქრისტეანებრივი ეკლესია, ეგრეცა, დასძინებენ ეს უზადო და უთვალღებო მოწამენი, ჩვენნი „საქართველოს ეკლესიაც“, რამეთუ ჩვენ ყოველთა ერთითა სულითა და ერთითა ენითა, ჩვენ ყოველთათვის თანასწორად საღვთო ენითა, ერთისა მიმართ გვამისა ნათელს ვიღეთ, გინა თუ მეგრელთა, გინა თუ გურულთა, გინა თუ იმერთა, გინათუ სვანთა, გინათუ ქართლელთა, ესე იგი მრთელმა

საქართველომ, მან ყოველმა, რაც არა ითარგმნების რუსულად და არს ჩვენ ყოველთათვის გულის აღმტაცი და მომხიბლველი ცნება, სიტყვა – საქმე, შექმნილი შრომითა გამოურიცხველად ყოველთა ზემოხსენებულ ტომთა და სხვათაც მრავალთა, რომელნიც ფიზიკურის ძალით ჩვენგან მოცილებულნი არიან, მაგრამ გულთაგან ჩვენთა ჯერ კიდევ ვერ განუშორებიათ. და როგორ მოხდა, რომ ეს რეალური მოვლენა ვერ შეამჩნია ვოსტორგოვის ათის წლის ფხიზელმა ყურადღებამ. ჭემმარიტს ამბობს მეფსალმუნე (ფსალმუნი ორმოცდა მეჩვიდმეტე, მუხლი მეოთხე) „გულის წყრომა მათი მსგავს არს გველისა და ვითარცა ასპიტისა ყრუსა, რომელსა დაეყვინან ყურნი მისნი.“

მაგრამ ყურის მოყრუებასა და თვალის დახუჭვას ვერ მოახერხებს კაცი, რომელსაც საქართველოში ათი წელი დაუყვია, ვერ მოახერხებს დაუსჯელად სიმართლის დაფარვას. სიმართლე სიცუდესა და სიმრუდეშიც გზას გაიკაფავს და გამოჩნდება და სიცრუე სიცრუითვე დაილუპება. ქართველები შეიძლება შემცდარიყვნენ რუსების შესახებ, მაგრამ ქართველები, რასაკვირველია, არ შემცდარან, როცა მათ უზენაესის სიმართლის შეუმუსრავი ძალა სწამდათ და ამ რწმენით თავის თავს შველიდენ ფრიად გაჭირვებულს და სამძიმო მომენტებში, რომელნიც ხშირად მათის ისტორიულის არსებობის დროს ყოფილან. ვოსტორგოვი სწერს (გვ. 309 – 310): „ფირობენ, ვითომც მრთელი საქართველო საზოგადოთ

თავის ნებით შეუერთდაო რუსეთს ასის წლის წინათ... საქართველო, რომელიც რუსეთს შეუერთდა 1801 წ., უკანასკნელის მეფის გიორგი მეცამეტის გარდაცვალების შემდეგ, შეადგენდა მხოლოდ ეხლანდელის თფილისის გუბერნიის ნაწილს: ეგ იყო ტერიტორია სივრცით სულ 600 კვადრ. მილი, დაახლოვებით ჩვენი მოსკოვის გუბერნიის ოდენი, სადაც რუსეთთან შეერთების დროს ესახლა. მხოლოდ ას სამოცი ათასი კაცი, რომელთა შორის ქართველები მხოლოდ რვაათასი იყვნენ. აი სულ ეს იყო, რაც რუსეთს თავის ნებით საქართველოს სახელით შეუერთდა და სხვა ყოველივე ამიერ-კავკასიაში რუსეთმა იარაღით დაიპყრო.“ ქართველებსაც წაუკითხავთ ეს ცნობები კავკასიის არქეოგრაფიულის კომისიის აქტებში. მაგრამ ქართველებმა კიდევ უფრო მეტიც იციან, სახელდობრ ისიც, რომ საქართველოს, „თფილისის გუბერნიის ნაწილის“ შემოერთება უწინააღმდეგოდ არ მომხდარა, და ახლა, როდესაც რუსეთთან შეერთების დროიდგან ას წელიწადზე მეტი გასულა, ისინი ყურადღებით ეცნობებიან უძღურის უმცირესობის მხრით წინააღმდეგობის მოტივებს და სამწუხაროდ მათდა ტყობილობენ, რომ მაშინდელი პროტესტი და წინააღმდეგობა მეტის თანაგრძნობის ღირსი ყოფილა ხალხის მხრით. მაგრამ ქართველები არა თუ ფიქრობენ, დარწმუნებულად არიან, და ამის საბუთიცა აქვსთ, რომ მრთელი საქართველო თავის ნებით შეუერთდა რუსეთს ას ოთხის წლის წინათ, რადგანაც ერთია-

ნის ნაციონალურ-კულტურულის საქართველოს-
თვის ერთის ქართველთა სამეფოთაგანის რუსეთთან
შეერთება ნიშნავდა არსებითად მრთელის საქართვე-
ლოს გარდაცემას. ამას მოითხოვდა მაშინ მრთელი
ნამდვილად ფხიზელი სახალხო გულისზრახვა, მტკი-
ცედ დარწმუნებული, რომ რუსეთი ერთგულად
აასრულებდა, რასაც იგი ქართველებს მაშინ და მერ-
მეც შეერთების დასაწყისიდანვე გულუხვად ჰპირ-
დებოდა და ყოველს შემთხვევაში ქართველები მა-
შინ სრულიად ვერ წარმოიდგენდენ, რომ მათი
ბედი და მათი ნაციონალური განათლება ასის წლის
შემდეგ ხელში ჩაუვარდებოდა იმისთანა რუსებს,
როგორც არის დეკანოზი ვოსტორგოვი და მისნი
თანამოაზრენი. და თვით ვოსტორგოვიც ძალიან
კარგად იცის, რომ ეს ნამდვილად ასეა და თვით
იგი სწერს თავის მამხილებლად შემდეგს (გვ. 329):
„გრძნობა რუსეთთან სარწმუნოებრივის ერთობისა
იტაცებდა მისკენ საქართველოს მეთუთხმეტე საუკუ-
ნიდან. მართლმადიდებლობითმა გრძნობამ ქართვე-
ლებს შთააგონა ეს აზრი და იგინი სხვას აღარას
დასდევდენ, არავითარს დაბრკოლებას არაფრად
სთვლიდენ და ისე მიესწრაფებოდენ საუკუნიდან-საუ-
კუნემდე რუსეთის სახელმწიფოსაკენ და ეს მისწრა-
ფება იმდენად ძლიერი იყო, რომ იძულებულნი
იყვენ თავის დროს გაჰყოლოდენ მათ, იქნება ხში-
რად უნებურადაც, მეფეცა და მეფისწულები და
უმაღლესნი წოდებანიც საქართველოს ერისა.“ ამ
სიტყვებს შემდეგ ვოსტორგოვი სრულიად ურცხვად

სცდილობს ჩაუნერგოს რუსებს ის აზრი, რომ რუსები იძულებული იყვნენ საქართველო იარაღის საშუალებით დაეპყრათო.

მაგრამ თვით საქართველოს ეკლესიისა და თვით საქართველოს ლიტერატურისა ვოსტორგოვს სრულიად არავითარი გაგება არა აქვს: „ქართველებმაო, ამბობს ვოსტორგოვი (გვ. 308 და 309), ხუთის საუკუნით უფრო ადრე მიიღესო ქრისტიანობა, ვინემ რუსებმა, მათ შესძლეს და შექმნეს თავისი საკუთარი სალიტერატურო და საღვდელმოქმედო ენა. მართალია ყოველივე ესე ჰქონდათ მათ და აქვსთ ერთობ მცირედის ზომით, მაგრამ ესეც საკმაოა მათის ეროვნულის თვითცნობიერების საზრდოთ.“

აქედან სჩანს, ვოსტორგოვს სრულიად არ სცოდნია, რომ ქართული ლიტერატურა არის ერთი უმდიდრეს საუნჯეთაგანი აღმოსავლეთის ქრისტიანებრივის ეკლესიისა. ვოსტორგოვს, რომელმანაც, როგორც ცხადათ სჩანს, არათუ თვითონაც არაფერი არ იცის, არამედ რომელსაც ჰყოლია მასწავლებლები იმდენათვე და შეიძლება თვითონ მაზედაც უფრო ნაკლებ მცოდნე ქართულის სასულიერო ლიტერატურისა, – „ზომაც“ სცოდნია, ერთობ მცირედენი „ზომა“ საქართველოს საეკლესიო საქმეებისა. ვოსტორგოვს რომ ასე დაეწერა; „ჩვენის საპედაგოგიო მოღვაწეობის წყალობით ცოდნა თავის საკუთარის საქმეებისა ქართველებს ერთობ მცირედი აქვსთ, ან სულაც არა აქვსო“, მაშინ ვერავინ ვერ გაბედავდა და ვერ შეეცილებოდა ამისთანა

ქეშმარიტებას. მაგრამ ვოსტორგოვი მსჯელობს მისთვის სრულიად უცნობ საგანზედ, რომელიც მხოლოდ სპეციალურად შემსწავლელთა გარდაუშლის, მდიდარის მასალების წყალობით, ახალს და ევროპის ისტორიულის მეცნიერებისათვის დღევანდლამდის უცნობს რეალურს გორიზონტებს. დიად, ჩვენ სპეციალისტებსაც ჯერ კიდევ სავსებით არ შეგვისწავლია მრთელი ქართველთა ერას კულტურული ნაღვაწი და ჩვენ „მცირედ რაიმე ვიცით და მცირედ რასმე ვწინასწარმეტყველებთ“ (კორინთ. I, 13, 10).

სრული 1041 წლის წინათ ე. ი. 864 წელში

ქრისტეს აქეთ დაწერილია ქართული ხელნაწერი, რომელიც ახლა სინას მთაზედ წმ. ეკატერინეს მონასტრის ბიბლიოთეკაში არის დაცული. წიგნის ბოლოს გადამწერს მიუმატებია ქება ქართულის ენისა. ქება ლეგენდალურია, მაგრამ ამის გარეგან ფორმას თავი დავანებოთ და მივაქციოთ ყურადღება მისს შინაარს და შინაარსი კი სავსებით ცხადათ გამომხატველია იმისი, რომ ქართველებს დიდის ხნიდგან დაუმყარებიათ ნაციონალური თვითცნობიერება ქრისტიანობრივს საფუძველზედ.

ამ თვითცნობიერებას, იმ დროებში ჩვეულებრივის ლეგენდარულის ფორმით გამოხატულს, ჰქონია რეალური სარჩული. ხელნაწერი წარმოადგენს ძველ თხზულებათა კრებულს, რომელნიც დაწერილი არიან ზედმიწევნით შემუშავებულის (რასაკვრველია საუკუნეთა განმავლობაში) ქართულის სალიტერატურო ენით, რომელიც სავსებით გადმო-

გვცემს ყოველსავე უწვლილესს და უღრმესს მნიშვნელობას საეკლესიო თხზულებათა, უპირველესად დაწერილთა მდიდარს ბერძნულს ენაზედ. ეს წიგნი კონდაკი არ არის, არც საღვთო წერილი, არამედ ეკლესიის წმინდა მამათა თხზულებანი, რომელთაგან მრავალნი ევროპის სამწერლო საუნჯიდგან გამქრალან და ქართულს ლიტერატურას კი შეუნახავს და სხვათა შორის ამ სინას-მთიელს ქართულს ხელნაწერს. ეს ხელნაწერი შემთხვევით არ დაუცავთ სინას მთაზედ. ეს წიგნი გადაუწერია სინას მთის ძმათვის ქართველს მაკარის, ბერს წმ. საბას მონასტრისას იერუსალიმის მახლობლად. მაკარიც შემთხვევით არ მისულა იერუსალიმის არე-მარეში ქართველთა ტომებს მეხუთე და მეექვსე საუკუნიდგან ჰქონდათ აქ მონასტრები და თანდათან ქართული მონასტრები ათობით მოეფინენ როგორც წმ. იერუსალიმს და მისს არე-მარეს, ისე სინას მთას საბერძნეთში. მაგრამ ყოველგან ამ მონასტრებმა მოიპოვეს დაუმოკიდებელი ავტონომიური გამგეობა საეკლესიო საქმეებისა. საიდან უნდა იყოს ყოველივე ესე? ეს უნდა მომხდარიყოს უთუოდ იმისგამო, რომ თვით საქართველოში ეკლესიურ-ნაციონალური ცხოვრება დიდათ განვითარებული იყო. საქართველოს ეკლესია არის არა მხოლოდ მართლმადიდებელი, არამედ ადგილობრივი, ნაციონალური. მას აქვს თავისი წინაპართაგან ნაანდერძევი ენა, საუკუნეებით ნაკურთხი და განწმენდილი, თავისი

საკუთარი თქმულებანი, წინაპართაგანვე გარდმოცემულნი, თავისი ადგილობრივი ეროვნული მოწამენი, თავისი ნაციონალურ-ეკლესიური იდეის მიმდევარნი მოღვაწენი. ამ იდეის რეალურმა განხორციელებამ დიდი ხანია შეაერთა ნაციონალურად და კულტურულად ყველა საქართველოს ტომები ერთს სულითა და ხორციით მონათესავე სხეულად. ამ ცხოველმყოფელმა, ქართველთა ტომების ფსიხოლოგიურ მოთხოვნილებით შექმნილმა იდეამ განადიდა შემოქმედებითი ძალა საქართველოს ეკლესიისა და მისცა მას არა ჩვეულებრივი სიმტკიცე და ღრმად შთანერგა იგი ყველა მონათესავე საქართველოს ტომთა შორის, თითქმის სხვა ტომთა შორისაც, რომელნიც იყვნენ ფსიხოლოგიურად ქართველთა მონათესავე და ერთსული მათი. ასდულდა საეკლესიო ცხოვრება თვით საქართველოში, სავსე თასიდგან გადასდინდა იგი არათუ მხოლოდ საქართველოს კიდურებში, სვანეთსა და სამეგრელოში, არამედ ჩრდილოეთისაკენ კავკასიის მთა-გორებში და დასავლეთისაკენ ქანეთში და ყოველგან ბერძნებს ფეხი ააკრეფინა და განდევნა ისინი. კულტურული ბრძოლა გაჩაღებული იყო, რასაკვირველია, სომხებთანაც, მაგრამ უკეთეს ეპოქებში, ნაციონალურად უმეტეს გამოფხიზლების მომენტებში, დაიწყებოდა დაახლოვებული ურთიერთობა ერთის საზოგადო საქმის თანამშრომლობისათვის და ამ მომენტებში მათ შორის ცხადი შეთანხმება დაარსდებოდა.

თუ რამდენათ მაღლა იდგა მაშინ საქართვე-

ლოს საეკლესიო კულტურა, ჩვენ შეგვიძლია იქი-
დგან მივხვდეთ, რომ მეთორმეტე საუკუნეში, როცა
თვით საბერძნეთში ნეოპლატონიზმური ფილოსოფია
დაცემული იყო, ქართველმა მწერალმა იოანემ
(ტარიჭიძემ – პეტრიწმა) მოგვცა ჩვენ ყოვლად უნაკ-
ლულო. და სწორი თარგმანი პროკლეს „ღვთისმეტ-
ყველებრივის ფილოსოფიისა“ და შეადგინა თავის
დედა-ენაზედ შესანიშნავი განმარტება ამ თხზულე-
ბისა და ეს იყო მაშინ, როდესაც დასავლეთს ევრო-
პაში ჰქონდათ მართო **Liber de causis** (წიგნი მი-
ზეზთა), ეს წამხდარი თარგმანი პროკლეს შემოკ-
ლებულის სახელმძღვანოისა. თუ რამდენად ღრმად
გამჯდარი იყო ქრისტიანობა საქართველოს ეროვ-
ნებაში. ამის მისახვედრად საკმაოა ვსთქვათ, რომ
მეთერთმეტე საუკუნეში ქართული საეკლესიო გა-
ლობა იყო თავისებური, ნაციონალური და ახალს
ბერძნულს საგალობლებს ადგენდენ ქართულ საგა-
ლობელ ნორმებთან შეთანხმებით, რომ საქართვე-
ლოს ეკლესია მაღლა იდგა და ყოველგან დიდი პა-
ტივში იყო იმითაც მტკიცდება, რომ იერუსალიმში
რუსეთის მართლმადიდებელს ეკლესიას, რომელსაც
მფარველობდა თავის სახელით იმისთანა ძლიერი
სახელმწიფო, როგორც რუსეთი, არ ჰქონია იმ
გავლენის ნაწილიც, რითაც სარგებლობდა მართლ-
მადიდებელი ეკლესია პაწაწა საქართველოს ერისა
და ყოველსავე ამ საკითხებზედ და სხვებზედაც ჩვენ
გვაქვს ცოცხალი, თანამედროვე, დოკუმენტალური
საბუთები და არა ლეგენდები და ამ საბუთთაგან

ზოგი რუსულადაც დაბეჭდილნი არიან. ლეგენდები ითხზებოდენ შემდეგში დასამახსოვნებლად ცოცხალისა და უფრო გასაგების ფორმით იმაზედ, რამაც როგორც რეალურმა თავგარდასავალმა, შთაუნერგა ყველა ქართველთა ტომების გონებას წარუხოცელი კვალი, განაკეთილშობილა, აღამაღლა და რთულქმნა ეროვნული ფსიხოლოგია და სხვადასხვა გვარის ქართველთა ეტნოგრაფიულის მატერიალისაგან შექმნა საქართველოს ეროვნება. საპოლიტიკო საქმეები საქართველოსა ხმირად მავნებელად იხლართებოდა, საქართველოს ცხოვრება ხანდახან რამდენისამე ათის წლოვით და მეტითაც წარმოადგენდა სამწუხარო სურათს, რომელიც ნამდვილად გამოხატულია უცხოელ და შინაურ წყაროებში და რომელსაც ხან და ხან მრთელი ქართველობა შეეძლო ჩაეგდო სრულს სასოწარკვეთილებაში, მაგრამ საქართველო ამისთანა შემთხვევებშიაც არ ჰკარგავდა იმედს, მაშინაც არ ღალატობდა უკეთესის ბრწყინვალე მომავლის რწმენას, მაშინაც არ ივიწყებდა თავის პატივს, როგორც კაცობრიობის წევრისას, როგორც ისტორიულად შექმნილის ნაციონალურ-კულტურულის ერთეულისას. ცხადია, თავის ვალდებულებისაგან ხელის აღება საქართველოს არც ეხლა შეუძლია. კარგად უნდა ვიცოდეთ, რომ ქართველები იმისთვის კი არ შეერთებიან რუსეთს, რომ გამხდარიყვნენ საგნად დიდებულის განსასვენებელის პროცესისა, რომელსაც მართავენ უაზროდ ისეთი მოღვაწენი, როგორც დეკანოზი ვოსტორგოვი, რომელ-

თაც წინ უძღვიან კიდევ სხვა განმანათლებელნი, კელაპტოსანნი. შეგნებულს, თვით-ცნობიერს საქართველოს რასაკვირველია არ სურს თავისი სულიერად დასაფლავება. აზროვნებამ და თვითცნობიერებამ თავშეუკავებლად გზა გაიკაფა მრთელს ქართველთა ეროვნებაში, ძვალ-რბილში გაუჯდა ეხლა მის სხეულს, სოფლებისა და ქალაქების მშრომელს წრეებს, რომელნიც ჯერჯერობით მეცადინეობენ მხოლოდ თავის მატერიალურის მდგომარეობის პირობათა გაუმჯობესობისათვის. მაგრამ ესენიც ხომ გაჟღენთილი არიან, თუმცა უმეტესობა ინსტინქტურად, იმავე ქართველთა ნაციონალურის ფსიხოლოგიით, მეტსაც ვიტყვით, დამცველნი არიან ინსტინქტურად საეროვნო პატივისა. არა ერთხელ გამიგონია მე პირდაპირ მათგან, რომელთაც არც იცოდენ, თუ რუსთველის კეთილხმოვან ლექსებით მეუბნებოდენ, მეთორმეტე საუკუნის პოეტის ლექსებით, რომელიც საქართველოს ნაციონალიზმისათვის სასიქადულოა: „სჯობს სიცოცხლესა ნაზრახსა სიკვდილი სახელოვანიო“. და თუ საქართველოს ეკლესია საბოლოოდ მკვდარია, თუ საქართველოს აზნაურობას ძალა არ შესწევს, აღიღოს ქედითა თვისით ტვირთი ისტორიულის მომენტისა, ეს მშრომელი ნაწილი საქართველოს ერისა ჯერ ხომ ძალა გამოუღვევლია და ხელსეუხებელი, ეს თვით მოქმედი მრავალტომოვანი გლეხობა საქართველოსა, რომელიც უთუოდ უფრო ენერგიულად თავს გამოიღებს, როგორც მეზრძოლი არა მხოლოდ კლა-

სობრივად ეკონომიურის, არამედ, უეჭველია, კულტურულის ინტერესებისათვისაც მრთელის საქართველოს ერისა. საჭირო იყო, რომ ეს რუსებს სცოდნოდათ.

კულმინაციური პუნკტი ვოსტორგოვის მეცნიერებისა გამოიხატება ქართულის სალიტერატურო ენის საკითხში. როგორც ვიცით, არის მხოლოდ ერთი სალიტერატურო ენა, რომელსაც „ქართული ენა“ ჰქვია, მაგრამ ეს ენა საზოგადოა ყველა ქართველ ტომთათვის. მეხუთე საუკუნიდგან დაწყებული ამ სალიტერატურო ენაში უთუოდ შესამჩნევი ცვლილება მოხდა, მაგრამ მეცხრე საუკუნისათვის ახალის მიმართულების თანახმად ეს ენა, როგორც სჩანს, იყო განახლებული და ყველა ქართული მწერლობის ნაშთებს, რომელიც კი აქამდის აღმოჩენილა, თითქმის მეხუთისა და მეექვსე საუკუნისასაც, მოუწევიათ ჩვენამდის მეცხრე და მეათე საუკუნეებისა და არა ამაზედ უძველესის ხელთ-ნაწერებით და ამ ხელთნაწერებში სალიტერატურო ენა განახლებულია ახალ ნორმებთან შეთანხმებით. მეათე საუკუნიდგან ქართულს მწერლობაში სამი უმთავრესი განმაახლებელი ცვლილება მოხდა: მეთორმეტე საუკუნეში ცვლილება მოხდა საერო ლიტერატურის განვითარებით, მეთექვსმეტე საუკუნეში – მეცნიერებისა და ხელოვნების აღორძინების გამო და ბოლოს მეცხრამეტე საუკუნეში – ევროპიულ კულტურასთან სრულის გათანაზიარებით. ამ სამს მომენტში განახლება შეეხება ერთსა და იმავე ენას, რომელშიაც ამ გა-

ნახლებას არავითარი ძირითადი ცვლილება არ შეუტანია. ფორმები ისევ წინანდელია (მხოლოდ რაც უფრო ძველია, უფრო რთულია), სიტყვებიც ისევ იმისთანანი არიან (მხოლოდ რაც უფრო ძველია, უფრო ნაკლებად ურევია უცხო ენებიდგან ნასესხი სიტყვები). უძველეს განვითარების ხარისხზედ ეს საერთო ქართული ენა წარმოადგენს უმეტესს ენის სიწმინდეს და თუ ქართველმა ეს ენა შეისწავლა, უთუოდ ამის გამო ზედმიწევნით მცოდნე იქნება საზოგადო ქართული სალიტერატურო ენისა, რომლის ახალის ეპოქისაც უნდა იყოს ეს ენა, და ამათ რიცხვში თანამედროვე ენისაც, რადგანაც შემდეგი ცვლილება ყველას კარგად ესმის იმ ცოცხალი ენის შემწეობით, რომელიც მან უკვე იცის. არც იმისთანა განსხვავება, რომელიც ძველ ბერძნულს სალიტერატურო ენასა და ახალს ბერძნულს სალიტერატურო ენას შორის არის, არც იმისთანა არსებითი განსხვავება, რომელიც სომხურ სალიტერატურო ენასა და ძველ სომხურს შუა არის და გინდ იმისთანა მაინც განსხვავება, რომელიც ახალს ასურულსა და ძველს ასურულს შუა არის, ქართულს მწერლობაში არ მოიპოვება. ამ ერთად ერთს სალიტერატურო ქართულს ენაზედ იწერებოდა, საჭიროების მიხედვით. საეკლესიოცა და საერო თხზულებანი. ქართველებს არა აქვს ცალკე საეკლესიო სალიტერატურო ენა, როგორც მაგალითად რუსებს სლავიანური ენა. ქართველებს აქვსთ მხოლოდ ორი საწერი ანბანი, ხუცური და მხედრული (ანუ საეკ-

ლესიო და სამოქალაქო), მაგრამ ენა კი ერთია როგორც მაგალითად ასურელებს ძველად სამი სხვადასხვა საწერი ანბანი ჰქონდათ: ესტრანგელო, ნესტორიანული და იაკობიტური, მაგრამ ასურული სალიტერატურო ენა კი ერთი იყო. მეტსაც ვიტყვით, ხუცურად ნაწერი არიან სრულიად საერო ხასიათის ლიტერატურული ნაშთები, მაგალითად თეიმურაზის დროინდელი საქართველოს მატთანე და მხედრულად ნაწერია გვარიანი დიდი ნაწილი საეკლესიო ლიტერატურულ თხზულებათა. ახლა ყოველგვარი წიგნები მხედრულად იბეჭდება. მაშასადამე ნამდვილად არსებობს ერთი ქართული სალიტერატურო ენა და ორი ანბანი, ხუცური და მხედრული, და ამასთანავე მარტო საეკლესიო წიგნების საკითხავადაც არ კმარა მარტო ხუცურის ცოდნა, უთუოდ მხედრულიც უნდა ვიცოდეთ. მაშინ როდესაც ვოსტორგოვი დიდის რიხით ამბობს (გვ. 331), რომ „შკოლებში შემოდებულიაო საეკლესიო ქართული ენის სწავლება სალიტერატუროს მაგიერ, რომელიც ზნეობრივის გაწრთვნისათვის სუსტია და სრულიადაც არ შეეფერებაო საეკლესიო მიზანს.“ ნურაფერს ვიტყვით იმაზედ, რომ თვითონ ენა, როგორც ენა, უეჭველია არ იქნება არც ზნეობითად გამწრთვნელი და არც ამ მხრით ღარიბი და საეკლესიო მიზნის შეუფერებელი; სასაცილოდ არ ეყოფა კაცს შემოდება საეკლესიო ქართული ენის სწავლებისა ე. ი. ქართული სალიტერატურო ენის სწავლებისა ქართულის სალიტერატურო. ენის მა-

გიერ. ეს ერთობ საოცარი გაუგებრობაა, რომელიც ჭეშმარიტების წინააღმდეგია, მაგრამ კავკასიაში კი განკანონიერებულია.

მინდოდა შევხებოდი კიდეც იმ საგანს, თუ როგორ შეუგნია ვოსტორგოვს ქართველთა ეროვნების სულიერი ბუნება, – მაგრამ რა უნდა მოვთხოვოთ მას, ამისთანა საფაქიზო საგანზედ, როდესაც თვით სახელოვანს რუსეთის პოეტს, საუკეთესო მგოსანს კავკასიის ბუნებისას, საქართველოს ეროვნული, თანამედროვე საუკეთესო წყაროებისაგან დამოწმებული რეალური პიროვნება „ღვთიურის“, ზნეობითად ძლიერის თამარისა, ზნეობითის სინარჩნით აღმტაცი და დამამშვიდებელი ტყის ნადირთა, გარდაუქცევია თავის ლექსებში, „თამარად“ სახელდებულში, ქართველთა ეროვნულის ბუნების წინააღმდეგ, ფანტასტიკურ ხატად ვნებათაგან შეპყრობილის ქალისა, რომელიც ელის გამვლელსა და გამომვლელს, ნებივრად მწოლარე თავის რბილს ბუმბულის ლოგინზედ. სინამდვილეს უთუოდ პირდაპირ უნდა ვუყურებდეთ. ამის მსგავსი უფსკრული რომელიც ურთიერთშორის ფსიხოლოგიურმა გაუგებრობამ დაბადა, არ შეიძლება ამოივსოს და დაიფაროს საეკლესიო ჩვეულებრივის წესებისა, ანუ საქრისტიანო მოძღვრების ძირითად დოღმატთა ერთგვარობით. თვითონ ფორმულები თავის თავად, თითქმის არც იდეები თავისთავად დიდს რასმე არ შეადგენს, თუ ისინი თვით ცხოვრებაში არ გამოიხატებიან, თუ რომ ისინი განხორციელებული არ

არიან ერის შინაგანს სულიერს არსებაში, ე. ი. ფასი აქვს მხოლოდ საქრისტიანო მოძღვრების გაეროვნებას და ამის მიხედვით საქართველოს ეკლესია შესამჩნევად განსხვავდება რუსეთის, ანუ საბერძნეთის ეკლესიისაგან, თუმცა ესენი მასავით მართლმადიდებელნი არიან, და უახლოვდება უფრო სომეხთა ეკლესიას, რომელიც მაზედ განცალკევებულს სარწმუნოებას აღიარებს. ჯერ კიდევ მეთორმეტე საუკუნეში ცნობილმა ბიზანტიის სახელმწიფო მოღვაწემ გრიგოლ ბაკურიანმა, დამფუძნებელმა ქართულის პეტრიწონელთა (ეხლა ბაჩკოვოს) მონასტრისა ბოლგარეთში, განაცხადა, რომ საქართველოს მართლმადიდებლობა არაფრით არ განირჩევას საბერძნეთის მართლმადიდებლობისაგან, მაგრამ მაინც წევრი ვარო. არა საბერძნეთის, არამედ საქართველოს ეკლესიისა, რომელიც თავის მართლმადიდებლობის განხორციელებით უთუოდ უფრო ეთანხმებოდა ბაკურიანის ფსიხოლოგიურს მოთხოვნილებას. ვოსტორგოვს ძალიან უკვირს (გვ. 312), რატომ ქართველებს სახლებში ხატები არ უსვენიათო, როგორათაც არ უსვენიათ, ვამატებ ჩემის მხრით, სომეხებსაც; მაგრამ ჭეშმარიტად მორწმუნე ქართველთა იდეალია, იქონიონ გულის სულრმეში სულიერი ხატი, და თვითონ ნივთიერი ხატები კი დაასვენონ ეკლესიებში, ანუ ვისაც შეძლება აქვს, შინაურს საჯვარეში, და არა საცხოვრებელს სახლებში, სადაც იგინი ატარებენ ჩვეულებრივ ყოველდღიურს მატერიალურ ცხოვრებას, ხშირად იმისთანა აზრე-

ბითა და საქციელით გართულნი, რაც საეკლესიო სიწმინდეთა შეურაცხმყოფელია. დეკანოზს ვოსტორგოვს უთუოდ არ სცოდნია, რომ მოხუცებულ კაცებს საქართველოში ამავე მიზეზით აქამდისაც ჩვეულება აქვსთ დილისა და საღამოს ლოცვა შეასრულონ გარეთ, პირდაპირ ცას ქვეშ, და არა სახლში. ვოსტორგოვმა იცის რასაკვირველია, რომ საქართველოშიაც არის ზოგიერთი ცრუმორწმუნეობა და ამით სარგებლობს იგი (ვგონებ რუსია შთამომავლობით), რომ სამარცხვინოდ გამოგვიხატოს საქართველოს ეკლესია (გვ. 312), მაგრამ ამით მტკიცდება მხოლოდ სრული ჭეშმარიტება სახარების სიტყვებისა: **„ორგულო, ამოიღე პირველად დგვირე თვალი-საგან შენისა და მაშინ იხილო აღმოღებად წველი თვალისაგან მოძმისა შენისა“**. მაგრამ ვოსტორგოვი ურევს ერთმანერთში ცრუმორწმუნეობასა, რომელიც ხალხში უმეცრებას შეუტანია და სათემო დღესასწაულებასა და ხატთა მოსალოცავად სიარულს და ეს მისი შეცთომა ადვილად გასაგებია, რადგან არავითარი ცნობა არა აქვს ამ საგანზედ, რომ კარგად გაეგო ღრმა მნიშვნელობა იმ ადგილობრივ ჩვეულებათა, რომელნიც მომდინარეობენ ძველიდგანვე, სანამ საქართველოში ქრისტიანობა შემოვიდოდა, და გავრცელებულნი არიან საერთოდ ყველა საქართველოს მონათესავე ტომთა შორის, როგორც მაჩვენებელი უმაღლესის ჯერ კიდევ კერპთ-თაყვანისმცემლობის ნიადაგზედ აღმოცენებულის კულტურისა. ამგვარი საზოგადო კერპთ-თაყვანისმცემლობის

დროინდელი კულტურის ნაშთები უფრო ბევრია საქართველოში, ვინემ ვოსტორგოვი ჰფიქრობს, თუმცა მისი განზრახვა არის, ამ ცოტათიც სახელი გაუტეხოს საქართველოს ქრისტიანებრივს ეკლესიას. ქრისტიანობის დროს ამ ჩვეულებათა დაეკარგათ კერპთ-თაყვანის-მცემლობის დროინდელი შინაარსი, მაგრამ მნიშვნელობა კი ძველებური შერჩათ, ცოცხალი ნაციონალურ-კულტურული, რომელიც ქრისტიანობასთან შეერთებით, თავდაპირველად, რასაკვირველია, ეკლესიურ და მწიგნობრულ ქრისტიანობასთან, – ობიექტიურად გამოხატავდა საქართველოს ტომთა სულიერს ერთობას.

ვგონებ საკმაოდ ცხადია, რომ სამეცნიერო დასაბუთებით ვოსტორგოვის ნაწერი მცირეოდენ კრიტიკასაც ვერ გაუძლებს და ამ მხრით ამ სტატიაზედ საუბარი, ვიმეორებ, სრულიად საჭირო არ იყო. მაგრამ დეკანოზი ვოსტორგოვი – „საეკლესიო სასწავლებელთა ოლქის ზედამხედველია საქართველოს საექსარხოსოში“, როგორც წინავე გვაუწყებს „ნაროდნოე ობრაზოვანიის“ რედაქცია, მაშასადამე უნდა ვიფიქროთ, რომ უწმინდეს სინოდს არა ჰყავს სხვა კაცი საქართველოს საეკლესიო საქმეების უფრო მცოდნე, ამისთანა საპასუხისგებო თანამდებობის აღმასრულებლად დასაყენებელი. მეტსაც ვიტყვი, სტატია დაბეჭდილია მართლმადიდებელთა ეკლესიის ყოველთვიურს საპედაგოგიო ორგანოში, რომლისაც გამომცემელია სასწავლებელთა რჩევა, უწმინდეს სინოდთან დაარსებული. კიდევ

უფრო მეტი ვსთქვათ, სტატია წარმოადგენს მოხსენებას, წრდგენილს წასაკითხავად I4 დეკემბერს 1904 წ. საეკლესიო შკოლათა სამოსწავლო მუზეუმში პეტერბურგს, მუზეუმის წლიურს დღესასწაულზედ, უწმინდესის სინოდის წევრთა, სასულიერო სასწავლებლების რჩევის წევრთა და მიწვეულ საპატიო პირთა თანადასწრებით. ვოსტორგოვის შრომამ რასაკვირველია დიდი ინტერესი უნდა გამოიწვიოს, რაც უნდა ნაკლები მცოდნე იყოს სამეცნიერო ნაწილში მისი ავტორი. ჟურნალის „ნაროდნოე ობრაზოვანიის“ რედაქციაც წესიერად აფასებს უმაღლეს მნიშვნელობას დღესასწაულებრივის შეკრებულებისას ამ მოხსენების წაკითხვის დროს და დაწვლილებით გვაცნობებს ამას. რასაკვირველია უწმინდეს სინოდს ასის წლის განმავლობაში, ასე უნდა ვიფიქროთ, საკაო დრო ჰქონდა, არა თუ მხოლოდ თვითონ არ უნდა დასჭირვებოდა ამ ნაირი სუსტი მოძღვრება ვოსტორგოვისა, არამედ მას უნდა მიეცა რუსეთისათვის, და არა მარტო რუსეთისათვის, ნამდვილად მცოდნე კაცები საქართველოს ერის წარსულის ცხოვრებისა, რომელიც აგრე მჭიდროთ შეკავშირებულია მახლობელის აღმოსავლეთის ქრისტიანობასთან. საქართველოს ეკლესიის შესახებ სრულიად არ ჰქონია სინოდს ის უცნაური გასამართლებელი საბუთიც, რომ ეს ეკლესია მართლ-მადიდებელი არ ყოფილიყოს, თითქოს მართლ-მადიდებლობის უპირატესობა იმაში მდგომარეობდეს, ვითომც მას უფლება აქვს საფუძვლიანად არ შეისწავლოს

რაც მის გარეშეა, ე. ი. მარტივად ვსთქვათ, არაფერი არ იცოდეს ნამდვილად, მაშასადამე არ იცოდეს თავიცა თვისი. და მე კი მგონია, ცოტაოდენი საზოგადოებრივი ინტერესი მაინც უნდა ჰქონდეს თვით რუსეთის მართლმადიდებელის ეკლესიისათვისაც. იცოდეს მან არა თუ მხოლოდ ის, რომ სინოდის წევრები შეჩვენებით ეკლესიისაგან ვისმე განაყენებენ, არამედ ისიც, თუ ვის მიიწვევენ კათედრაზედ თავის მოძღვრად, ვის მიაყრდნობენ მრთელს თავისს უმაღლესს ყურადღებას და ვის აჯილდოებენ, თუ გინდ მხოლოდ მდუმარე თანაგრძნობითა და მოწონებით. დეკანოზი ვოსტორგოვი ხომ მართლა მოძღვარია! ის მძვინვარე და თავგამოდებული თანამზრძოლია იმ მოძღვრებისა, რომელიც სცთილობს საეკლესიო შკოლები სახელმწიფო განზრახვებს დაუმოღწილოს იმ ხარისხამდე, რომ სრულიად დასთრგუნოს მცნებანი სახარებისა ე. ი. ძირი გაუთხაროს ქრისტიანობას.

მნიშვნელობა სახარების მცნებათა სასულიერო შკოლებისათვის ვოსტორგოვს, როგორც სჩანს, სცოდნია: „სასულიერო შკოლები უნდა ემსახურებოდნენ ეკლესიასა ღვთისას მის წმინდა საქმეში“, სწერს ვოსტორგოვი (გვ. 329): „ეკლესია ერიდებაო მიზანსა „გარუსებისას“, როგორც საზოგადოთ ერიდებაო ყოველს საპოლიტიკო განზრახვას. ეკლესიური საქმე სახელმწიფოსათვის უსაზღვროდ ძვირფასიაო ყოველსავე გარუსებისათვის განზრახულებასა და მოქმედებაზედ და სხვ.“ მაგრამ ამასთანავე,

ვოსტორგოვს სწამს რომ რუსულის ენის სწავლება და შემოღება ყველა საგნების სწავლებისა რუსულის ენის საშუალებით, არისო **უმთავრესი და არსებითი მიზანი სასულიერო შკოლისა** (გახაზულია თვით ვოსტორგოვისაგან გვ. 332). მართალია, ვოსტორგოვი ამ „უმთავრესს და არსებითს მიზანს სასულიერო შკოლებისას“ სთვლის მეორე ხარისხოვან მიზნად. მაგრამ ეს მეორე მიზანი ცხადათ ამახინჯებს ნამდვილს მაცხოვრის მოძღვრებას (მათ. 22. 21): **„მიეცით კეისრისა კეისარსა და ღვთისა ღმერთსა“**. და სადღაა „სამსახური ეკლესიის წინაშე მის წმინდა საქმეში“, როდესაც სიტყვა ღვთისა უნდათ ასწავლონ და ასწავლიან კიდევ ყმაწვილებისათვის უცნობის ენით, რომელიც გამოთქმისა და კიდევ უფრო ფსიხოლოგიურის ხასიათით უცხოა საზოგადოთ კავკასიელ ერთათვის და განსაკუთრებით ქართველ ყმაწვილთათვის. *) მაგრამ ვოსტორგოვი უფრო შორსაც მიდის მისთვის უცხო ტომთა კაცობრიულ უფლებათა დათრგუნვაში – იგი მომხრეა მუნჯურის მეთოდით უცხო ენის სწავლებისა სხვათა შორის იმის გამო, რომ ამ საშუალებით ადვილად შეიძლება მოუშთოს ბუნებითი მსგელელობა თანდაყოლილის სულიერის ნიჭის განვითარებისა ყველა მოსწავლეს, რომელიც შთამომავლობით რუსი არ არის (გვ. 335). მაშასადამე „წმინდა საღვთო

*) ქართული ენა არ ითვლება ინდო-ევროპიულის ენების ჯგუფში, რომელსაც რუსული ეკუთვნის.

საქმე“, რომელსაც ვოსტორგოვი აღიარებს, აძლევს მას არა თუ მხოლოდ იმის ნებას, რომ ამოჰკლიჯოს დედა ენა მოზარდ თაობას, არამედ მოაშთოს მისი ბუნებითი ნიჭიერებაც. **ნუ** თუ შეუძლია ამნაირი ვოსტორგოვისებური მსჯელობა იმ კაცს, რომელსაც სულსა და გულში გასჯდომია სახარების მოძღვრება? მეცადინეობა ვოსტორგოვისა ხომ იმას ნიშნავს, რომ ის განდგომია ქრისტიანებრივს მოძღვრებას საღვთო ეკლესიაზედ. ეს მისი საქციელი ეწინააღმდეგება შავლე მოციქულის სიტყვებს (კორინთ. 14, 14): **„უკეთუ ვილოცვიდე უცნობითა ენითა, სული ჩემი ილიცავს, ხოლო გონება ჩემი უნაყოფო არს.“** ანუ კიდევ (გვ. 14, 39): **„მნო ჩემნო, გშურდინ წინასწარმეტყველებად, და სიტყვად ენათა ნუ დაეყენებით“**. ამას უნდა დავსძინოთ კიდევ, რომ ყველა უძველესი აღმოსავლეთის ეკლესიები (სურეთის, სომხეთი. და საქართველოს) გულსმოდგინებით იცავდენ ხელშეუხებლობას ამა ქრისტიანობის საფუძველთა, მოციქულთა მცნებასა. ამის მფარველი და დამცველი იყვნენ ქართველები მრავალსაუკუნოებით კულტურულად მეზობლნი თითქმის ბერძნებთანაც. და ამ ბრძოლიდგან ქართველები გამარჯვებულნი გამოვიდნენ, თუმცა ქართველებს, რომელთაც მაშინ პოლიტიკური თვითარსებობა ჰქონდათ, ძალიან უჭირდათ იმ დროებში ნაციონალურის ეკლესიის განუდრეკელად დაცვა. საბერძნეთის სასულიერო წოდება დამტკიცებით ამბობდ, საქართველოს ეკლესია საბერძნეთმა დაბადაო., საბერ-

ძნეთი სათავეა, საიდანაც მართლმადიდებლობა მომ-
დინარეობსო, ბერძნული ენა და ბერძნული ლიტე-
რატურა მრთელს საქრისტიანოს სულიერს საზრდოს
ამღევსო“. მაგრამ ქართველებმა ამათაც კი უპასუ-
ხეს ჰავლე მოციქულის სიტყვებით (კორინთ. I, 14,
36) „**ანუ თქვენ მიერ სიტყვა იგი ღმრთისა გამოვიდა,**
ანუ თქვენდამდე ხოლო მიიწია?“ განა ეხლა უფრო დიდი
ზნეობითი უფლება არა აქვს ქართველებს, ამავე
კითხვებით მიმართონ რუსეთის ეკლესიას?

მაგრამ ვოსტორგოვი მაინც მოძღვარია; ვოს-
ტორგოვს, როგორც სჩანს, შესძლება დამოდვ-
როს ზოგი ვინმე და აცნობოს მას რაიმე საქართვე-
ლოს ეკლესიის უწინდელს ძალასა და დიდებაზედ;
მაგრამ რადგანაც მას ახსოვს აგრეთვე მოციქულის
სიტყვებიც (კორინთ. I, 16, 14): „**ყოველივე თქვენი**
სიყვარულით იყავნ“, იგი, როგორც თავის ერთგული,
ამისთანა ხასიათის ცნობებს იძლევა მხოლოდ იმ
შემთხვევებში, როდესაც ქართველების ინტერესები
მათის მეზობლების ინტერესებს, შეეხლება, ე. ი.
თუ შესაძლებელია აღძრვა ტომებრივის, ანუ ნაციო-
ნალურის განხეთქილებისა: ამგვარად ქართველებს,
როგორც აღმოჩენილა, ჰქონიათ ოდესმე „დიდებუ-
ლი ტაძრები“ სილნაღსა და თელავში, „პატივცე-
მული საყდარი“ თვით თფილისში, სულ „მშვენიე-
რი ტაძრები“, მაგრამ ვაი, რომ ესენი ახლა სომხე-
ბის ხელშია, რომელთაც შეუწყვიდიათ (გვ. 311);
ქართველების გავლენა ისეთი ძლიერი ყოფილა, რომ
ოსებს მრთელ სოფლობით დაუვიწყებიათ ოსური

და ქართულად ლაპარაკობენ და ვაი, რომ ეს სოფლები ითვლებიან წმინდა ქართულ მრევლებად (გვ. 324). სპარსელები სცთილობდენ დაესუსტებიათ როგორმე მართლმადიდებელი საქართველოს სამეფო და ამისთვის მართლმადიდებელს უდებებს წაართვეს მღვდლები და მათი საყდრები და წმინდა ადგილები გადასცეს სომხებს (გვ. 326).

დეკანოზი ვოსტორგოვი, როგორც სჩანს ქართულს სალიტერატურო ენასაც დიდათ აფასებს, მაგრამ იმ საზღვრებს გარეშე, სადაც ქრისტიან ქართველთა მოსახლობა თავდება, და ქრისტიან საქართველოში კი, როგორც ზემორე ვსთქვით, ქართული სალიტერატურო ენა განდევნილია სასულიერო შკოლებიდან, როგორც „განწრთვნისათვის სუსტი და საეკლესიო მიზნისათვის სრულიად შეუფერებელი“; მაგრამ გამაჰმადიანებულ ქართველებში იგივე ენა, თითქმის, როგორც სჩანს, ქართული სასაუბრო ენაც ცნობილია როგორც ზნეობრივად გაწრთვნისათვის ძლიერ სასარგებლო და საეკლესიო მიზნისათვის სრულიად შესაფერი (გვ. 318): „აქ საჭიროა ფრთხილად ვიცავდეთ ქართულს ენას, ამ სულიერს კავშირს მაჰმადიან ქართველებისას მათს მართლმადიდებელ წინაპარებთან; აქ საჭიროა ფურცლები, ბროშიურები, წიგნები, ქართულს ენაზედ ნაბეჭდი, და მათი ხალხში დარიგება იმ განზრახვით, რომ აღვადგინოთ ხალხში მისუსტებული და გაქრობაზედ მიწევილი ქრისტიანობიდან დაშთენილი მამა-პაპათა გარდამოცემანი, განვაცოცხლოთ და ავალაპარაკოთ

დუმილით მოცული ტაძართა და უდაბნო-სავანეთა ნანგრევები“. მაშასადამე ქართულს ენას მიეწერება თითქმის საკვირველთ-მოქმედების ძალა, რომლის წყალობით გამაჰმადიანებულ ქართველებში შეიძლება გაიღვიძოს და აღდგეს ქრისტიანობიდან ნაშთი მარდამოცემანი, გაცოცხლდენ და ღაღადისი მორ-თონ ნანგრევებმა და დამყარდეს სულიერი კავშირი მაჰმადიან ქართველთა მართლმადიდებელ წინაპართა-თანა, უკვე დიდის ხნის განსვენებულთა. (ღმერთმა გვაშოროს იმ განზრახვისაგან, რომ ამგვარისავე კავ-შირის დამყარება ვისურვოთ ქრისტიან ქართველებ-თანაც, რომელნიც ჯერ კიდევ ცოცხალნი არიან)

ცხადია, რომ საუბარი ქართული სალიტერატურო ენის სისუსტეზედ ზნეობრივის გაწვრთნისათვის თვი-თონ საქართველოში, არის ტენდენციური ხერხია-ნობა, გამოგონებული იმისთვის, რომ გაამართლონ ქართული ენის განდევნა სასულიერო შკოლებისა-გან. **ცხადია**, ამავე აზრით გამოუგონიათ განსაკუთ-რებული საეკლესიო ქართული ენა. ამავე აზრით ცთილობდენ არა სალიტერატურო ენებისაგან შეექმ-ნათ ქართველ ტომთათვის სალიტერატურო ენა, რომ ამ ხერხით ქართულს საზოგადო სალიტერა-ტურო ენას დაუკარგონ ნაციონალური მნიშვნე-ლობა არა მარტო ქართველების თვალში, არამედ თვითონ მეგრელების თვალშიაც, რომელთაც, ქარ-თულის საზოგადო სალიტერატურო ენისაგან ჩამო-შორებით, ხვდებოდათ უთუოდ ნაციონალური გარ-დაგვარება, **დეკანოზ ვოსტორგოვსა**ვით სახალხო

განათლებისათვის თავგამოდებულებმა დიდიხანია გას-
ცეს თავისი საქმე, თვითონვე ფაქტიკურად გამოაშ-
კარავეს საზოგადოების წინააღმდეგი თავისი საიდუმ-
ლო გულის-წადილი, რომ საქართველოს ნაციონა-
ლურ საქმისათვის ჩამოეშორებიათ ნაწილ-ნაწილად
ქართველთა ტომები და დაეყენებიათ ისინი სულიე-
რად კულტურულის გარდაგვარების ნამდვილს გზა-
ზედ. ხომ უეჭველია, რომ ნამდვილი სულიერი და
კულტურული განვითარება მეგრელებისა და სვანე-
ბის შეიძლება უზრუნველ-ყოფილ იქმნეს მხოლოდ
განუწყვეტელის კავშირით მრავალ-საუკუნოებით შე-
ქმნილს საზოგადოთ ქართულს ნაციონალურს კულ-
ტურასთან და მწიგნობრობასთან, რომელიც ნაყო-
ფია სულიერის მოღვაწეობის, რაშიაც მათ დიაღაც
შესამჩნევი წილი უდევსთ, ამაში გამოიხატება მათი
ნაციონალური იდეალები და ეს არის მათი ღვიძლი
დედა, საყვარელი აღმზრდელი მათის სულიერის არ-
სებისა. ამგვარი ჭეშმარიტი განვითარება მეგრელე-
ბისა და სვანების, უეჭველად, ნაციონალური საქმეა,
ზოგად ქართულია და პირდაპირი საგანია საზოგადო
საზრუნველი ყოველთა საქართველოს ტომთათვის,
რომელიც მოითხოვს მათგან შეერთებულს და შე-
თანხმებულს მოღვაწეობას. და რომ ეს აუცილებე-
ლი შეერთებული შრომა აერიდებიათ მეგრელებისა-
თვის, ამისათვის ჩვენმა განმანათლებლებმა აიღეს და
მეგრელებს რუსულის ალფაბეტისაგან საწერი ანბანი
გამოუკოპიტეს! მაგრამ ნათქვამია (კორ. I. 15, 36):
„უფუნურო, შენ რთმელი დაჰსთესი, არა ჰსცხოვნდის.“

და თესლი იგი არა აღმოცენდა... პირიქით ეს უგუნურები შეეწივნენ მის აღორძინებას, რასაც ისინი ჯვარცმასა და დახრჩობას ექადოდენ.

მაგრამ ვოსტორგოვი არც ფარავს, რომ საქართველოს საექსარხოლო არსებითაც არც კი ინტერესობდა ნამდვილ საქართველოს ეკლესიით და ქართველთა ტომებით; კავკასიაში უფრო დიდი ყურადღება იყო მიქცეული გადმოსახლებულ სხვა ტომთა კაცებზედ, ვინემ ადგილობრივ მკვიდრ მცხოვრებლებზე იმ იმედით, რომ ამ ჩამოსახლებულებში მოეპოვათ ერთგული მოსამსახურენი საბრძოლველად ადგილობრივ ეროვნებათა თვით-არსებულს ცხოვრებასთან; მაგრამ ეს ელემენტებიც თითქოს სასარგებლო ვერ გამოდგენ და ვერ გაამართლეს მათზედ დამყარებული იმედები. „სამწუხაროდ ბერძნები, პირადათ მათი ინტელიგენცია, თითქმის ყოველგან ეწინააღმდეგებოდნენო სლავიანურის ენის შემოღებას მღვდელ-მოქმედებაში და რუსულის ენის შემოღებას შკოლებში. მაშინ როდესაც თუ ვისთვისმე შეწევნა მიუცია რუსეთის პრესას, ყველაზედ უმთავრესად უუდიდესი შემწეობა აღმოუჩენია ბერძნებისათვის“, ლაღადებს ვოსტორგოვი (გვ. 322), რომელსაც უთუოდ ვერ გაუგია, რომ კაცებს შეიძლება წმინდათ მიაჩნდესთ იმისთანა რაიმე, რაც მათთვის უფრო ძვირფასია, ვინემ უუდიდესი მატერიალური სიკეთე.

ეს იმედები ვეო გაამართლეს რუსეთიდგან გადმოსახლებულმა სეკტანტებმაც, რომელთაგან დუხო-ბორები, როგორც დეკანოზი ვოსტორგოვი ამბობს,

ამერიკაში გადასახლდენ (გვ. 328), – უთუოდ ნება-ყოფლობით. და თავს ნებას ვაძლევ და დამტკიცებით ვიტყვი, რომ რუსეთიდგან გადმოსახლებული მართლ-მადიდებლები კიდევ უფრო ნაკლებად გამართლებენ ხსენებულს შავად-მღელვარ იმედებს ამიერ კავკასიაში, რადგან აქ სამუდამოთ გადმოსახლებულ რუსებს ორი-სამი დგმის შემდეგ ებადებაო თავისი საკუთარი ადგილობრივი რეალური ინტერესები, მატერიალური და სულიერი, რომელთაც არავითარი საერთო რამე არ ექნებათ იმ უნიადაგო რუსეთელ ნაციონალისტურ ტენდენციებთან, რომელშიაც თავს იფარვენ განმხრწნელი, საზოგადოებრივობის წინააღმდეგი ელემენტები.

მაგრამ ჩვენ მაინც დიდ მნიშვნელოვანად მიგვაჩნია, რომ როდესაც საქართველოს ეკლესიის მკვიდრ შვილებს ძლიერ გაჭირვებით ეძლევათ საქართველოს საექსარხოსოს სასულიერო სასწავლებლებში შესვლის ნება და ბევრს ადგილას საქართველოში სრულიადაც არ დაუარსებიათ ამგვარი შკოლები, „ამიერ კავკასიაში ამ ჟამად არ მოიპოვება არც ერთი უუმცირესი, ანუ ახლად დაარსებული გადმოსახლებულ რუსთა სოფლები, სადაც, როგორც კომპეტენტურად განაცხადებს დეკანოზი ვოსტორგოვი (გვ. 328), არ მუშაობდეს საეკლესიო შკოლა, რომელიც შეფარებია ჯერჯერობით საჩქაროდ შეწყობილს ქობს ქვეშ. ამნაირი შკოლები იხსნებიან თვით ეკლესიის აშენებამდის და ეკლესიის მსახურთა მისვლამდის.“ აი სწორედ ამგვარის მიმარ-

თულებით მოქმედებდნენ ზედმიყოლით სამი ამიერ კავკასიის მწყემსთმთავარი, რომელნიც საქართველოს ექსარხოვებად იყვნენ ამ უკანასკნელის თორმეტის წლის განმავლობაში, როდესაც გაძლიერდა რუსთა გადმოსახლება ამ მხარეში.

არ ვიცი, რომელი ადგილია დეკანოზის ვოსტორგოვის სტატიამი უფრო მეტად ღირსი საზოგადოებრივის ყურადღებისა და უფრო ნამდვილად გამომხატველი და დამახასიათებელი მსოფლიო აზროვნებისა პირადათ საეკლესიო საქმეთ-მმართველთა, უფრო ნამდვილად გამომააშკარეებელი მათის სავსებით ანტიქრისტიანულის მხედველობისა...

შეხედეთ, მაგალითად, როგორის დაუფარავის მოწონებით იხსენებს დეკანოზი ვოსტორგოვი ოსმალეთის ბრძნულს მოქმედებას საქართველოს ზოგიერთ ნაწილში ქრისტიანობის მოსპობისათვის (გვ. 319): „თათრები თავისებურად ბრძნულად იქცეოდნენ თავის მაჰმადიანობის გავრცელების საქმეში: ქრისტიანებს ისინი დროზედ ძალას ატანდნენ, რომ თვითონ მათ გაედევნათ მართლმადიდებელი ეპისკოპოსები, აღუკრძალეს მათ ახალი ღვდღების კურთხევა, ნებას აძლევდნენ, რომ მათის მხრიდგან გაეტანათ საეკლესიო წმინდა ნივთები, ხატები, წმინდათა ნაწილები და სხვ., – და ეს სიწმინდენი აქ ძალიან ბევრი იყო, – შემდეგ ქართველებს თათრული სახელები დაარქვეს, ძალდატანებით წინადაცვეთეს, ცოლებად თათრის ქალები შერთეს, თითოეულს მათგანს ერთი კი არა, რამდენიმე, და აი ამისთანა ცვლილე-

ბამ მათს ცხოვრებასა და მრთელს წეს-წყობილებაში, თუმცა უნდა გვიკვირდეს, ქართველები ჩქარა გაამაჰმადიანა. ვინც გაამაჰმადიანებას ეწინააღმდეგებოდა, ნება ეძლეოდათ, სხვა ქრისტიანებრივი სარწმუნოება მიეღოთ: ყოველს ღონეს ხმარობდენ დაეთრგუნათ მართლმადიდებლობა, როგორც ძალა, რომელიც ქართველებს რუსებთან აერთებდა; თათრები და სპარსელები შირვანის სახანოში მფარველობდენ სომეხებს და მართლმადიდებელი, უდეღეები სომეხთ სარწმუნოებაზედ გადაჰყავდათ და ახალციხის მხარეზედ კათოლიკების მისიონერებს ეხმარებოდენ. ყოველივე ეს ჩვენთვის საგულისხმო უნდა იყოს, რომ ვიცოდეთ, თუ სად როგორ ვებრძოლოთ არა მართლმადიდებელს ელემენტებსო.“ დეკანოზს სითავმდაბლის გამო დაუკლია აქ. შემდეგი სიტყვები: „და განსაკუთრებით სხვა ენაზედ მოლაპარაკე მართლმადიდებლებს, ე. ი. ყველაზედ უწინარეს ქართველებს.“ მაგრამ მკითხველს ნუ შეაშფოთებს ეს ქებათ-ქების გალობა მაჰმადიანთა სიბრძნის წინაშე, რომელიც გვესმა უწმინდესის სინოდის რჩეულის მეცნიერისაგან *). ეს გალობა პირბადიანი ქებაა იმ საეკლესიო მიმართულებისა, როდმლის წარმომადგენლად კავკასიაში დანიშნულია დეკანოზი ვოსტორგოვი. მას რომ ნამალადევი თავმდაბლობა არ დაეწყო, ადვილად შეეძლო, რასაკვირველია, და

*) მე სრულიად არ შევეხები იმ კითხვას, თუ რამდენად ეთანხმება ეს ვოსტორგოვის დახატული მაჰმადიანთა სიბრძნე ნამდვილს რეა .. ურის ისტორიის სურათს.

სრული უფლება ჰქონდა, ეთქვა, *mutatis mutandis*, იგივე ქებათ-ქება თვითონ თავისთვის და თავის თანამოაზრეთათვის: „ჩვენ, რუსები, თავისებურად, აგრეთვე ბრძნულად, მივუძღოდით მართლმადიდებელთა საქმეს კავკასიაში. **თათრები** მაჰმადიანები არიან, ჩვენ ისინი არც გვექიშპებიან და არ გვმტრობენ; ჩვენი მტერები არიან მართლმადიდებლობისგან განდგომილი სომხები და მართლმადიდებელი, მაგრამ სხვა ენაზედ მოლაპარაკე, ქართველები. ამათ აქვს პოლიტიკურიცა და ლიტერატურული ტრადიციებიც (გვ. 308). **მართალია**, ყოველივე ეს მათ აქვს მცირეოდენის მასშტაბით, მაგრამ ესეც საკმაოა, რომ ასაზრდოოს მათი ეროვნული ცნობიერება (გვ. 309). ჩვენ უკვე დავხურეთ სომხური სასულიერო შკოლები, გადავასახლეთ სომეხთა ეპისკოპოსები და არქიმანდრიტები და სომეხთა სოფლის გლეხობა უმიწაწყლოთ ისეთს გაჭირვებაში იყო ჩავარდნილი, რომ მრთელის სოფლობით იძულებული შეიქნა უარეყო თავისი საუკუნოებით შეთვისებული სარწმუნოება, რომელზედაც დამყარებული იყო მათი მემკვიდრეობითი ეთიკური მსოფლიო აზროვნება, რომ მოეპოვებია შიმშილისაგან გადარჩენის საშუალება ახალის სახელმწიფო სარწმუნოების მიღებით და თან ხმამაღლა ღაღადებით: ჩვენ გარუსება გვინდა (გვ. 333), სწორედ ისე, როგორც ბრძნულს **ოსმალეთში**. ეს კიდევ ცოტაა, ჩვენ მოვახერხეთ და გამოვგლიჯეთ სომეხთა ეკლესიას უფლება, რომლის ძალით ისინი თავის ქონებას

პატრონობდენ, – უფლება რუსეთის კანონებით დამტკიცებული, კიდევ ხელმეორედ გადავასახლეთ სომხების ეპისკოპოსები და არქიმანდრიტები, სომეხთა პატრიარქს დიდის სიხარულით ნებას მივსცემდით, რუსეთიდგან გასულიყო და რაც წმინდათ მიაჩნდა ყოველიფერი თან წაეღო. საქართველოს ეპისკოპოსების გადასახლება სრულიად არ გვჭირია, ისინი ჩვენგანვე დაყენებული არიან, მაგრამ რასაკვირველია ჩვენის შეხედულებისამებრ და იმდენი რიცხვით, რამდენიც ჩვენის განზრახულებისათვის საჭირო აყო; ნელნელა მათს ადგილებზედ რუსი ეპისკოპოსები დავაყენეთ, ან და ქართველები ჩვენს დარჯაკში ამოსხმული, და რომელიც ამათგანი ცოტაოდნად უკუღმართი გამოდგა, არ დაგვიკარგავს, ისინი ჩვენ შორეულს სადმე ადგილზედ გადაგვყავდა. ქართული ნათლის სახელების დარქმევა აღვკრძალეთ, იმ მიზეზით, რომ ისინი რუსულს კალენდარში არ იხსენებინ. სამწუხაროდ მათ ნაციონალური ტრადიციები აქვსთ და თვითცნობიერებაც. მაგრამ ჩვენ ყოველგან აღვძარით ტომებრივი გრძნობები იმ იმედით, რომ ტომი ტომზედ აღდგება და ძმა ძმაზედ. დიდის სიხარულით ჩვენ ყოველგვარის პროპაგანდის ნებას მივსცემდით არა მართლმადიდებელს სომხობაში, რომ მათ შორის აღმოფხვრილიყო ნაციონალური თვითცნობიერება. ამ განზრახვით ჩვენ ძლიერ ღმობიერად ვეპყრობოდით კათოლიკებს ამიერკავკასიაში; თუმცა ჩვენ უარვპყოფთ კათოლიკობას, მაგრამ გულში კი ახლავე მზადვართ თაყვანივსცეთ

რომთა პაპას, რომელსაც შეუძლია შეგვიმსუბუქოს ჩვენი სამძიმო პოლიტიკური მდგომარეობა, გამოანაწილოს კათოლიკეები ერთ სამწყსოდ საკუთარის ეპისკოპოსით, - თუნდ ორის დაუმოკიდებელის ეპისკოპოსით, ქართველთ-კათოლიკეთა და სომეხთ-კათოლიკეთა, და ამით კიდევ უფრო შეასუსტოს, ჩვენის აზრით, ნაციონალურ-კულტურული მისწრაფება სომეხთა და ქართველთა“.

მაგრამ იქნება ვოსტორგოვს სასულიერო შკოლათა სამმართველო პოლიტიკა ნებას აძლევდა, თუ სხვაგან არა, საქართველოს ეთნოგრაფიულს ფარგალში მაინც, ნამდვილად ესწავლებინათ მოწაფეთათვის ნაციონალური სალიტერატურო ენა მრთელის საქართველოსა, ქართული საეკლესიო ენა? იყო დრო, როცა ეს მწამდა და მიხაროდა კიდევ, რომ ამაში მაინც გამოიჩინეს დიდსულოვანობა საქართველოს ეკლესიის საქმეთა მმართველებმა, ვსთილობდი, რომ ჩვენს სამშობლო სოფელში „საყვავის-ტყეში“ სამრევლო შკოლა გაეხსნათ. ამგვარისავე აზრის ყოფილიყო მაშინ საერო მთავრობაც ამიერკავკასიაში, როგორც სჩანს ვოსტორგოვის სიტყვებისაგან (გვ. 332): „ამიერ კავკასიის გუბერნატორებმა 1897 და 1898 წლებში უქვეშევრდომილესად წარდგენილს წლიურს ანგარიშებში აღნიშნეს ეს მოვლენა და ის დასკვნა გამოიყვანეს, რომ საეკლესიო შკოლები ამიერ კავკასიაში რუსეთის ინტერესებს ეწინააღმდეგებო და ამიტომ უნდა დაიხუროსო.“ თითქმის ამიერ კავკასიის გუბერნატორებ-

საც, როგორც სჩანს, კარგად ვერ გაეგოთ ის ნამდვილი იეზუიტური პოლიტიკა საეკლესიო შკოლებისა, რომლის ხელმძღვანელად იყო ვოსტორგოვი.

„საჭირო იყო მომეტებული შრომა ხუთის წლის განმავლობაში, რომ ეს ბრალდებულება გაგვექრო“, გულახდილად განაგრძობს თავის განმარტებას დეკანოზი: „1902 წლის დეკემბრის თვეში ისევ იმ გუბერნატორებმა, შეკრებილმა სათათბიროდ თფილისში, ერთხმად დაადგინეს, გააორკეცონ საეკლესიო შკოლებისათვის წლიური შესაწევარი საერობო ფულებისაგან. ეს იყო უდიდესი ზნეობითი გამარჯვება საეკლესიო შკოლებისა საექსარხოსოში და ამასთანავე უმაღლესი ზნეობითი ჯილდო მისის ხელმძღვანელებისათვის“. ამის განმარტება მეტი იქნება.

ცხადათ სჩანს, ყველანი შეთანხმდენ ქართველთა ერის ნაციონალურ-კულტურულის განვითარების საწინააღმდეგოდ; მაშასადამე საწინააღმდეგოდ ყოველგვარის რეალურის, ცნობიერის პროგრესისა ქართველთა შორის, საწინააღმდეგოდ თვითოეულის თვითცნობიერის კავკასიის ეროვნებისა შეიკრა ჯოჯოხეთური კავშირი კავკასიის ჩინოვნიკობისა და ოფიციალურის საქართველოს ეკლესიის მოთავეთა შორის. განა საჭიროა დავამატოთ ამას, რომ მრთელმა გონიერად მოაზრე კავკასიამ დაინახა ამაში უღრმესი ზნეობითი დაცემა საეკლესიო შკოლისა, სასაზოგადოთ ეკლესიისა და არსებულის ბიუროკრატიულის რეჟიმისა. და თუ მათ, ვის მიზეზითაც ეს მოხდა, უმაღლესი ჯილდო მიეცათ და ამასთანავე

ზნეობითი, ეს გემოვნების საქმეა და საკითხის არსებას არ შეეხება. ვგონებ ამას შემდეგ საჭირო არ იყოს იმის განმარტება, თუ ქართველები და ყველაზედ უწინარეს ისინი, რომელნიც თვით ვოსტორგოვისაგან უფრო ნიჭიერებად ცნობილნი არიან, სახელდობრ გურულები და მეგრელები, რისთვის სცემდენ მღვდლებს, მტრულად ეპყრობოდენ ეკლესიებსა და საეკლესიო შკოლებს, სწვავდენ კიდეც. ახლა კი ადვილად გასაგებია ისიც, თუ მათს ამგვარს მოძრაობასა და მღელვარებას რისთვის დაუჭირეს მხარი „ზარმაცმა“, „უძრავმა“, „გულდინჯმა“ ქართლებმა, როგორც ამბობს თვითონ ვოსტორგოვი, და ამასთანავე, მისივე აზრით, „სიმპატიურმა“, „გულკეთილმა“ ხალხმა, „გულწრფელმა“, „სტუმართ-მოყვარულმა“, „მშვიდმა“ ხალხმა, რომელმანაც საზოგადოთ ქართველებს კარგი სახელი მოუპოვა, მაგრამ ახლა დაივიწყა არა თუ ყოველივე წყალობა ვოსტორგოვისა, არამედ „ჭანდრის ჩრდილი“, და სასიამოვნო „ქაფი ტკბილის ღვინისა“ და სიტკბოებისაგან ძილად მირულვა და „ჭრელი შალვრები“ (გვ. 312), რომელიც საქართველოს მეცნიერულად მემსწავლელს, უწმინდესის სინოდისაგან მოვლენილს, ელანდება დაღალულს, შემოფხრეწილს წვივებზედ, ხშირად სანახევროდ მშიერის და ოფლითა პირისა მისისათა მშრომელის ქართველის ხალხისა. მაგრამ საჭიროა დიდხანს შევჩერდეთ იმ საკითხზედაც, რა მიზეზია, რომ არათუ მხოლოდ თვლისში მართლმადიდებელთა სემინარიას, საზო-

გადო გაფიცვებზედაც დიდის ხნით უფრო ადრე, ასე ძლიერ და პერიოდულად თავბრუ ესხმებოდა, არამედ ქუთაისშიაც, სატახტო ქალაქში, ვოსტორგოვის დახასიათებით, იმისთანა „მკვირცხლის“, „ცოცხალის“, „მოძრავის“ და სწავლისათვის ნიჭიერის ხალხისა, სახელდობრ იმერლებისა, რომელნიც სასწავლებლებისათვის ფულებს სიხარულით იძლევიან, სემინარიას შეუძლია იდღესასწაულოს კიდევ თავის დახურვის დღეები. საჭირო არ არის რამე დავუმატოთ მას, რასაც კეთილშობილურის გულწრფელობით აუწყებს **urbi et orbi** მრთელს ქვეყანას დეკანოზი ვოსტორგოვი. მეტი იქნება ვგონებ, რომ განვიმეოროთ რასაც თვითონ ვოსტორგოვი ამბობს (გვ. 334) საქართველოს საეკლესიო შკოლათა იდიის ილუსტრაციისათვის, რომლითაც მან დაიმსახურა ერთხმად მოწონება ამიერ კავკასიის გუბერნატორებისა. როგორ დაშორებია ყოველივე ესე მამა-პაპეულს მცნებას ქართველთა იდეალებისას, რომლისგამო ძველად, ათასი წლის წინეთ, არქიმანდრიტი გრიგოლ ხანძთელი ენერგიულად უშლიდა უმაღლეს საერო მთავრობას შინაგან საეკლესიო საქმეებში გარევას. მეცხრე საუკუნეში, სასულიერო კრებაზედ, რომელიც მოწვეული იყო კათოლიკოსის აღმოსარჩევად, და მამფალი გვარამ განრისხდა იმისგამო, რომ თავისი კანდიდატის ეფრემის არჩევის იმედი დაჰკარგა, ხსენებული არქიმანდრიტი ხმამაღლა ეწინააღმდეგა საეკლესიო სასულიერო საქმეებში გარევას: „ხელმწიფეო, ეუბ-

ნებოდა იგი სხვათაშორის, რასთვის მიწყრები სიმართლის თქმისათვის? მართალია, ეპისკოპოსთა და წინამძღვართა უპირველეს წმინდა კრებათა ესწრებოდენ პირველი მორწმუნე მეფეები, მაგრამ, უნდა იცოდეთ, არა იმისათვის, რომ გაკადნიერებულიყვენ და სჯულის-კანონის სწავლებას შესდგომოდენ, არამედ იმისათვის, რომ თვითონ ესწავლათ კრებისაგან კანონნი სარწმუნოებისა. . . მოციქულთა და წმინდათა მამათა სჯულის კანონებში არ სწერია, რომ ერის კაცები მოძღვრებდენ სარწმუნოებასა. . . ეს შეურაცხყოფაა სარწმუნოებისა და მოძღვართა მისთა“.

ეს მამაპაპეული მცნება ქართველთა საუკუნო იდეალებისა ვერ მოაშთო საქართველოს ეკლესიაში ვერავითარმა სპარსეთის უღლის უმძვინვარესმა მომენტებმა. დეკანოზი ვოსტორგოვი, ეს მოყვარე ადგილობრივის ენებისა იმდენად, რამდენადაც უფრო ადვილი მოსახერხებელია უცხო ეროვნების გულში ჩახედვა და მისი მიმხრობა და დამონება, თვითონვე თეთრზედ შავად სწერს, რომ პირველად 1885 წელში შემოკლებული სამოსწავლო პლანი საქართველოს საეკლესიო შკოლისა შედგენილი იყო რუსულის ენის ექვსი გაკვეთილით, მაგრამ ეს გაკვეთილები ქართულის ენის საშუალებით უნდა ესწავლებინათ და ამასთანავე ქართული ენის გაკვეთილები ცალკე კვირაში თორმეტი უნდა ყოფილიყო (გვ. 334). მაგრამ ეს მხოლოდ გულ-უბრყვილობა მხრის მოსაქცევად იყო. რასაკვირველიაო, განმარტებს თვითონ ვოსტორგოვი (გვ. 334): „ეს

მხოლოდ პირველი საცადი იყო საშუალო საქმეების ორგანიზაციისათვის. მაგრამ შემდეგ სახელმწიფო ენის სწავლების გაძლიერება საეკლესიო შკოლებში დაიწყო 1890 წლიდან, საქართველოს ექსარხოსების არქივისკოპოსის ვლადიმირისა და ფლავიანის დროს, – ეხლა ესენი მიტროპოლიტებად არიან მოსკოვში და კიევში, – და განაგრძობენ ეხლანდელის არქივისკოპოსის ალექსის დროსაც. მრთელი თორმეტის წლის თანდათანობითა და სისტემატიკურმა შრომამ ამ მიმართულების თანახმად იქამდის მიგვიყვანა, რომ ეხლა შესაძლო შეიქნა – გადაეცეს საღვთო სჯულის სწავლება დედა-ენის საშუალებით და აგრეთვე სწავლებაც თვით საეკლესიო დედა-ენისა საღვთო სჯულის მასწავლებელს და რუსულის ენის მასწავლებელს დაევალოს ოცდა სამი გაკვეთილის სწავლება რუსულის ენისა და სხვა საგნებისაც რუსულისავე ენის საშუალებით *). აქ განმარტება სრულიად საჭირო არ უნდა იყოს. რომ ამიერკავკასიის გუბერნატორებისა და მათის შთამგონებელის პოლიციის მოხელეებისათვის უსაზღვროდ ესიამოვნებიათ, სააულიერო პირებმა, რომელნიც ქართულის საეკლესიო შკოლების საქმეების ხელ-

*) ჩვენ აქ არ შევეხებით მას, თუ ნამდვილად როგორ მოწყობილია საეკლესიო შკოლათა საქმეები საქართველოს საექსარხოსოში. ამა საქმეთა მდგომარეობა სრულიად არ ეთანხმება სანატრელს სურათს, რომელიც დაგვიხატა დეკანოზმა ვოსტორგოვმა. ჩვენთვის უფრო საყურადღებოა თვით იდეები ვოსტორგოვისა.

მღვანელი იყვნენ, განაძევეს დედა-ენის სწავლება ადგილობრივ საეკლესიო შკოლებისაგან, ე. ი. სიწმინდის მპარავთაებრ შემუსრეს ბურჯნი მართლმადიდებელის სამოციქულო ეკლესიისა. იმას ნულარ ვიტყვით, რომ ქართველებს მათის მართლმადიდებლობის დასაჯილდოებლად ამ საშუალებით მეგობრულად და მშვიდობიანად ის საქმე უყვეს, რაც თვით რუსეთის საერო განათლების წარმომადგენელთა არ უქმნიათ არც მაჰმადიანებისათვის, არც ებრაელებისათვის და რაც მხოლოდ სომხებისათვის განიზრახეს და ისიც ცხადის მტრულის მოქმედებით, რადგანაც ერთობ ძნელი იყო ფარისევლებსავით სომხების მეგობრად თავის გამოჩენა.

. . . და რა უფრო სამწუხარო უნდა იყოს იმაზედ, რომ დეკანოზი ვოსტორგოვი ძლიერ გახარებულია წარმატებით, რომელიც ვითომც დაეტყო, მიღებულის ზომების წყალობით, ამიერ კავკასიის საეკლესიო შკოლებს და თან გვარწმუნებს (გვ. 337), რომ ეს „წმინდა საქმე არისო ეკლესიისათვის და უუდიდესი საქმე ხელმწიფისათვის“. ჩვენის აზრით კი დღესავით ნათლად სჩანს, რომ ეს საქმე „არა წმინდა საქმეა“, „მძიმე ცოდვებით აღსავსე“, წინააღმდეგი ეკლესიისა, წინააღმდეგი ხელმწიფისა. ეს წარმატება შეგვეძინა მართლმადიდებელი ეკლესიის მცნებათა განგებ დამახინჯებით. ან სად არის ეს წარმატება? **„სადა არს, სიკვდილო, საწერტელი შენი? სადა არს, ჯოჯოხეთო, ძლევა შენი?“** ძლევა არ არის და არც იქნება ეხლანდელს მდგომარეობაში

ძლევა, ვინაიდან კავკასიის მხარეში შეიძლება მხოლოდ ერთი ჭეშმარიტი ძლევა, ერთი გამარჯვება შინაგანი, კულტურული გამარჯვება და ამგვარის გამარჯვებისათვის საჭიროა ცოდნა, მეცნიერება, ჭეშმარიტი ცოდნა, საჭიროა კიდევ სიყვარული, არა რომანტიკული, მტირალა, არა საოცნებო სიყვარული კავკასიის უნო ბუნების მშვენიერებისა, მისის გასაოცარის კლდეებისა, მთა-გორათა სურათებისა, ჭრელ შალვრებისა, ან წასრულის ცხოვრების ნანგრევებისა, არამედ საჭიროა რეალური, საქმიანი, შემოქმედებითი სიყვარული ნამდვილ ცოცხალის კაცებისა, მათის ბრწყინვალე იდეალებისა, რომელნიც, როგორც წინაპართაგან გადმოცემულნი, ან საიმედო და მოსალოდნელნი, ნაკლები არ არიან უნო ბუნების მომხიბვლველ მშვენიერებაზედ. მაგრამ სადღაა ეს სიყვარული მაშინ, როდესაც თვით ეკლესია იმის მაგიერ, რომ მოჰფინოს სხივები სახარების მოძღვრებისა, განანათლოს გონება მართლმადიდებელის ერისა, რაც მას უფრო უნდა შეეფერებოდეს და უფრო უნდა შეეძლოს, ივიწყებს თავის უმაღლეს დანიშნულებასა და მოწოდებას და ზრუნავს მხოლოდ დაიმსახუროს კარგი სახელი პოლიციის თვალში და გაუგებრობის გამო უხარის ხალხის გონიერების დახშვა და დაბნელება და აღმოფხვრა სულის აღმამაღლებელის თვითცნობიერებისა მრთელს ერთმორწმუნე ქრისტიან ეროვნებაში. სადღა გვაქვს ჩვენ ცოდნა, როდესაც აგრე ცოტა უსწავლია საზოგადოთ, როგორც მას მსჯე-

ლობაზე ეტყობა, და აგრე განსაცვიფროდ ნაკლები ცოდნა აქვს საქართველოს ეკლესიაზედ იმ მოღვაწესაც, რომელიც თავისუფლად ბრძანებლობდა საქართველოში ათს წელიწადს, იდგა საქართველოს სასულიერო სამოსწავლო საქმეების სათავეში და რომლის უმეცრებით აღსავსე სიტყვა საქართველოზედ უპროტესტოდ მოისმინეს უწმინდესის სინოდის წევრებმა, – ვაი, რომ ამას უნდა ვფიქრობდეთ, მაზედ უფრო უმეცრებმა საქართველოს ეროვნებისა და ეკლესიის შესახებ. მაშინ როდესაც, ვგონებთ, ეკლესიას თვითონ უნდა განეცხადებია ავტორიტეტულად, რომ თვით პიროვნებისა და ქონებათა ხელშეუხებლობის დაცვას არავითარი აზრი არა აქვს, ე. ი. თვით ამიერ-კავკასის-ის გუბერნატორების გამგეობას ეკარგება ყოველივე მნიშვნელობა, თუ კი განუზრახავსთ, რომ კავკასიის ერებს წარტაცონ რაც მათთვის უმვირფასესია ე. ი. ზნეობითი პიროვნება და სულიერი ქონება, რისთვისაც ისინი სცდილობდენ შეექმნათ თავისი მატერიალური კეთილმდგომარეობა.

და რა ქვეყანაში ვფიქრობდით ჩვენ მოქმედებას უცოდინაროდ? იმისთანა ქვეყანაში, სადაც არა ეკლესია ნათარგმნის წერილობითის სახსოვრებით, არამედ ადგილობრივი საზოგადოებრივი აზროვნება, სომხის მწერლის ელიშეს პირით, ჯერ კიდევ მეხუთე საუკუნეში განუმტკიცებდა აქაურ ეროვნებათა ცნობიერებას, რომ კაცს თუ ჭეშმარიტი ცოდნა არა აქვს, ოცნებათა მსხვერპლად გარდაიქცევაო“,

– იმისთანა ქვეყანაში, სადაც ქართველმა პოეტმა ჯერ კიდევ მეთორმეტე საუკუნეში გამოხატა ფოლადებრ ნაწრობის, ხმა ტკბილის სახალხო ფორმის ლექსებით საზოგადოებრივი მსჯელობა ადამიანობაზე: „ათასად გვარი დაფასდა, ათიათასად ზრდილობა, თუ კაცი თავად არ ვარგა, ცუდია გვარის შვილობა; იმისთანა ქვეყანაში, სადაც თვით უსამინელესის საზოგადოებრივის და პოლიტიკურის სასოწარკვეთილებისა და განწირულების დროს, სომხები ძალდატანებით განდევნილნი სამშობლოდგან მთელის სოფლობით (მაგ. შაჰაბაზის დროს), არ ივიწყებდენ გონებრივს ინტერესებს, ზურგით მიათრევდენ ხელნაწერ წიგნებს და ნუგეშობდენ ლიტერატურით, და საბრალო საქართველოს მეფეები ითმენდენ თავის საბრძანებელთა დაკარგვას, ითმენდენ თითქმის შიმშილსა და წყურვილს და ყოველგვარ სხვა უბედურობას, მაგრამ წიგნისა და კალმისთვის ხელი არ შეუშვიათ, ხშირად ქოხში, მხოლოდ ჟინჯილის ან ჭრაქის სინათლეში ანთხევდენ ქაღალდზედ თავის მწუხარე გულის პასუხს ლექსად და პროზად.

ამ ქვეყანაში, სადაც ყოველთვის მრავალი სხვადასხვა მოდგმის ხალხები ყოფილან, ძველის ძველადგანვე გამეფებული იყო განსაზღვრული კულტურული ცხოვრების მიმდინარეობა, რომელიც ხელს უწყობდა და ზრდიდა კანონიერებით თანშეზომილს სხვა და სხვა ტომის ეროვნებათა საურთიერთო ცხოვრებას. აი ეს კულტურული ბურჯი უზრუნ-

ველ-ყოფდა შინაგანს მშვიდობიანს აღყვავებას თუმცა გარეშე მტერებთან ომი თითქმის ყოველთვის შეუწყვეტელი ყოფილა. რუსეთის მთავრობამ დიდის ხნის განმავლობაში დღევანდელს მოძრაობამდისაც ვერ მოახერხა მოესპო კავკასიაში ავაზაკობა, მაშინ როდესაც ძველად კიდეც კეთდებოდა და კიდეც ინახებოდა თავ-თავის ადგილას ის ნივთიერ-კულტურული საუნჯენი, რომელთა ნაშთებმა განაცვიფრა ქრისტიანეთა ხელოვნების საუკეთესო მეცნიერები და გული წარტაცა მათ. (საკმაოა დავასახელოთ ისეთი მეცნიერი, როგორც არის ნ. პ. კონდაკოვი). და შემდეგ კი ეს ნაშთები გახდა კავკასიის ავაზაკთა და სხვა მტაცებელთაც სანუკვარ საგნად ამ ჩვენს კულტურულ საუკუნეში, რომელსაც იქნება ევროპაში კი მოვესწართ, მაგრამ ამიერ კავკასიაში ჯერ კიდეც ვერ ვხედავთ. ძველად ამ ქვეყანაში ყოფილა არა ჩვეულებრივი მშვიდობიანად ცხოვრების ეპოქები. მაგალითად, სომხის მემატიანე მათარ აირივანქელი ამბობს, რომ მეთორმეტე საუკუნეში საქართველოს მეფემ გიორგი III- მ სრულიად მოსპო ქურდობა და ავაზაკობა. მაგრამ რა საშუალებით მოხერხდა ეს საქმე? საერობო მცველების შემოღებით განა? დაკარგვით? საპრობილეებით? შეშინებით? არა, მხოლოდ ადგილობრივის ეროვნული კულტურის აღორძინებით. ეს იყო ეპოქა უმაღლესად ყვავილოვანის მდგომარეობისა საქართველოში, მაშინ გარდაიშალა ადგილობრივი კულტურა როგორც სასულიერო და ფილოსოფიური,

ისე საერო, რომელთაც დიდი მნიშვნელობა ჰქონდათ ახალის იურიდიკულის ნორმების შემუშავებისათვის, საეკლესიო წესწყობილების დემოკრატიზაციისთვის და საზოგადოთ განმტკიცებისათვის, ევოლიუციურ-კულტურულის გზით და ახალის მოთხოვნილების თანახმად, საზოგადოებრივის ეთიკისა იმ წრეებში, რომელნიც იმ დროისთვის აღიზარდენ. განა შესაძლებელია, რომ ვისმე რეალურად მცოდნეს და შეგნებულს განეზრახა და ამიერ კავკასიაში დასდგომოდა ეგრეთ წოდებულს რუსულ პოლიტიკას, ნამდვილად კი ანტირუსულს, რომელიც დაფუძნებულია იმ აზრზე, ვითომც ქართველები სულელები არიან და ვერ მიხვდებიანო. ხომ მარტო უკიდურესის უმეცრების გამო, რომელიც ამ ბოლოს დროს ერთობ გამლიერდა, კავკასიელებზედ, რუსეთელმა მოღვაწეებმა სრული და გულწრფელი ნდობა ქართველებისა რუსეთის მთავრობისადმი, აღუშფოთებელი მათი მოთმინება ჩასთვალეს გამოსადეგ გულუბრყვილობად, რომელიც მხოლოდ ისტორიულის ცხოვრების მცირეწლოვანობის, მოუწიფებლობის ნიშანია და საზოგადოების განუვითარებლობას მოასწავებს. ამგვარად ქართველების დაფასება ძირითად შემცთარი აზრია, რომელსაც ადგანან საზოგადოთ რუსეთის მოწინავე კაცები მრავალის სხვა და სხვა პარტიისა და ეს აზრი ჩვეულებრივ იმდენათ გამჟღადარი აქვს თავში რუსის ინტელიგენტს, რომ დღევანდელს მომენტშიაც ბევრს მათგანს თვით ქართველების საქციელი, შაბლონუ-

რის თეორიების წინააღმდეგი, ნამდვილის ქართველთა ცხოვრების ფაქტები, რომელიც ნამდვილად არსებობს და ცხადზედ უცხადესია, არ მიაჩნიათ ნამდვილად და აცხადებენ, არ არსებობსო. საკმაოა მოვიხსენოთ, რომ ეხლაც კიდევ იბეჭდება სატახტო ქალაქების გაზეთებში თფილისური კორესპონდენციები, რომელშიაც განცხადება ქართველებისა, რომ მათ ავტონომია მისცენ, ისეა განმარტებული, თითქოს ეს სომხების მზაკვარების შედეგიაო. ასე გამოდის, რომ სომხების შეგონებით ქართველმა თავად-აზნაურობამ გამოაცხადა მოთხოვნილება, რომ საქართველოს ავტონომიის ერთეულის ფარგალში ჩარიცხულ იქმნეს მრთელი თფილისის გუბერნია, ე. ი. ახალციხისა და ბორჩალოს მაზრებიანათ, სადაც მოავალრიცხოვანი სოფლელი მიწის მუშა სომხობაა. მაგრამ ნათქვამია, pas de science, pas de conscience. და აი უმეცრება, და კიდევ უფრო მეტიც – რეალური მეცნიერების სიმულვითი შეიქმნა რუსეთის საქმისათვის ამიერ კავკასიაში იმისი მიზეზი, რომ ერთის საფეხურით დავიქვევითეთ და კიდევ უფრო ცუდს შინაგანს მდგომარეობაში ჩავვარდით, – სახელდობრ მტკიცედ დავადექით იმ გზას, რომ არაფერი ადგილობრივი, გინდ სანატრელიც იყოს, არ შევისწავლოთ, ყოველიფერი ვაძაგოთ, ადგილობრივი სასარგებლო ისტორიული ტრადიციები უარვყოთ, არავითარი კულტურული რაიმე საქმე არ დავიწყოთ, არავითარი თავისუფალი მოღვაწეობის ნება ადგილობრივ ისტორიულ ეროვნებათა არ მივსცეთ.

უეჭველია, ეს არჩეულ გზაზედ მტკიცედ დადგომა მოითხოვდა მეცადინეობას, რომ ადგილობრივის საზოგადოების მხრით არ დაგვეკარგოდა მიუცილებელი შემწეობა და ამისთვის კი საჭირო იყო შეუზღუდავად დაგვემსხვრია და დაგვეთიშა ერთმანერთისაგან კულტურული კავკასია, ეს საუკეთესო მარგალიტი რუსეთის სამეფო გვირგვინისა, იმ ამოო იმედით, რომ მის ნამსხვრევებში ვიპოვნიდით ჩვენთვის საჭირო შავს ელემენტებს; საჭირო იყო აგვედღელებია საპროტესტოდ ისტორიულად შექმნილს ადგილობრივ კულტურათა წინააღმდეგ სხვა და სხვა ტომები, რომელნიც საუკუნოებით, თითქმის ათას წლობით, ერთად მცხოვრებნი იყვნენ, როგორც გვარტომობით ერთნი, ან ახლო მონათესავე მოქმედებითნი წევრნი ნაციონალურ-კულტურულ მიმდინარეობათა სფერაში; საჭირო იყო ჩაგვენერგა ერთმანერთის იჭვი და მტრობა იმ ჯგუფებში, რომელნიც უფრო მოდიდო იყვნენ და ერთობის შემქმნელი კულტურული ძალა და ღონე შესწევდათ. მშვენიერებით მომხიბლველს ამიერ კავკასიის ეტლში შებმულნი ადგილობრივის საუკეთესო მოდგმის სხვა და სხვა ფერის ჰუნენი? რომელნიც ნელნელა, მაგრამ გზაგაუხრელად მიემართებოდენ საერთო იდეალისაკენ, სრულის საზოგადოებრივის ძმობისაკენ ყველა კავკასიის ეროვნებათა შორის, თანდათან დაემსგავსენ გაველურებულ ჯოგის გაუწრთვნელს ცხენებსა და უგნური ფაეტონი იძულებული შეიქმნა ღვითს-რისხვის უთავბოლო ფრქვევას

მოჰყოლოდა. გამეფდა კავკასიაში ტერრორი, აუცილებელი გვირგვინი თანდათან გაძლიერებულის სულიერის დათრგუნვისა. ამ სულიერმა დათრგუნვამ ნამდვილად გაავრცელა კავკასიელთა შორის კაცობრივის ღირსების დამამდაბლებელი, ოფიციალურად დაჯილდოების ღირსად ცნობილი თვითმალულობა, რომელიც ბოლოს იეზუიტურს *reservatio mentalis*-ად გარდაიქმნა იმის წყალობითაც, რომ ადგილობრივ ნიადაგზედ არსებობდა ეს ზნეობითი უძლურება, როგორც ნაშთი იმ გაჭირვებულის ცხოვრებისა, როდესაც კავკასია თათართა და სპარსთა უღელს ქვეშ იტანჯებოდა. ამგვარმა კაცთა ზნეობითის არსების დამახინჯებამ ისე იმატა განსაკუთრებით უკანასკნელის მეოთხედი საუკუნის განმავლობაში, რომ არ შემიძლია წარმოვიდგინო, თუ როგორ უნდა მოხერხდეს ამას შემდეგ უწინდელის წესით აქაური ქვეყნის მართვა, სადაც ჩვენ არ შეგვიძლია ვენდოთ ვისმე, რადგანაც ზოგმა (უმეტესობა ახალი, ანუ მოსული კაცებია) აქაურობის არაფერი არ იცის, და ზოგი კი ადგილობრივ მცხოვრებთაგან დიდის ხნის პრაქტიკით იმისთანა მასიამოვნებელი კაცები შეურჩევიათ, რომ არაოდეს ისინი ნამდვილ მართალს არ გვეტყვიან. ადგილობრივის მცხოვრებლებისათვის მიუცილებლად საჭირო იყო, რომ სასიამოვნო კაცად ეცნოთ, ამ საჭიროებისაგან მას ხომ ვერაფერი ვერ იხსნიდა, ვერაფერი ვერც განათავისუფლებდა. ამაში ვერ შეეწეოდა მას, ვერც საპატო მატერიალური მდგომარეობა, ვერც

მისი წარჩინებულობა, ვერც საპატიო შთამომავლობა, თითქმის, ვგონებ, ვერც ოფიციალურა-ცნობილი დამოუკიდებლობა საქართველოს დამსახურებულის თავად-აზნაურობის წარმომადგენელობისა. როდესაც ცნობილი აკტი უმაღლესის მმართველისა კავკასიაში გაუგონარის განზრახულობით დაბოლოვდა, ყოველგან ერთგვარი აზრი გამოიხატა იმ გრძნობაში, რომელიც კავკასიის ადგილობრივ მკვიდრთა სხვა და სხვა წრეებში გამოიწვია ზნეობითის მხრით უცილობლად სამწუხარო შემთხვევის აუსრულებლობამ და რა.საკვირველია არა ეს ნამდვილი გრძნობები იყო გამოთქმული ადგილობრივ თავად-აზნაურთა ადრესებში, რომელიც მირთმეული იყო დანიშნულებისამებრ მამებლობისა და ზრდილობიანობის მოთხოვნილებით. შეუძლებელი იყო საკმაოდ ჩაეთვალათ მარტო დუმილი თავის საჭიროებასა და დაჩაგრულობაზედ: ატმოსფერა იმ გვარი იყო, რომ საჭიროდ სცვნეს ხმა მალლა განეცხადებიათ, ქართველები ბედნიერი და კმაყოფილი არიანო ეხლანდელის კავკასიის რეჟიმით და საქართველოს თავად-აზნაურობა თავის წარმომადგენელთა პირით ამის თანახმა შეიქმნა. მაგრამ ვაი, რომ შუბი ხალთაში არ დაიმალემა: გამოჩნდა მისი ტარი, მოჰყვა მას შიშველი წვერი, მჩხველეტელი სიმართლე და იგივე აზნაურობა ველარ პოულობს საკმაოდ თვალსაჩინო ფერადებს, რომ ცხადათ გამოხატოს თავისი უარყოფითი აზრი იმ რეჟიმზედ, რომელსაც ადრე დიდ ბედნიერებად სთვლიდა და ეძიებს, ჰოი, საშინელე-

ბავ, ავტონომიას., საქართველოს ავტონომიას. რა უნდა ექნათ ადგილობრივის შთამომავლობის ჩინოვნიკებს, რა საშინელი ტანჯვა უნდა გამოეცადათ, რუსეთის საზოგადოებისათვის ეს ძნელი წარმოსადგენია. თითქმის, ვგონებ, დაუმოკიდებელი ქართველი ეპისკოპოსები იძულებული იყვნენ, ან გაჩუმებულიყვნენ, ან ეწერათ მხოლოდ შესაწყნარებელი რაიმე გამეფებულის წესწყობილების შესახები. და დღეს კიდევ მოინახება იმისთანა კაცები, რომელნიც თავის თავს ქართველების მეგობრებად სთვლიან, რომელნიც იმის დასამტკიცებლად, როომ საქართველოს ეკლესია ყვავილოვანს მდგომარეობაში არისო, გვითითებენ (Разсвѣтъ № 53) ოფიციალურად კავკასიაში დასაბეჭდათ ნებადართულს ისტორიულს ნაშრომებს ეხლანდელს სამწუხარო ეპოქაზედ, მაგალითად «შემოკლებული ისტორიული მიმოხილვა საქართველოს ეკლესიისა და საექსარხოსოსი XIX საუკუნეში» (თფილისი, 1901 წ.). აი ამისთანა მეგობრებმა კინაღამ შეაცდინეს და გაიტაცეს ქართველები „კაცთა-მძულვარების“ ქადაგებით და უნდოდათ აღემხედრებიათ ისინი სომხების წინააღმდეგ ოთხმოცდამეათე წლებში. მაგრამ ქართველებმა გაიგეს, რომ ეს მეგობრები არიან „ღრუბელნი ურწყულნი, ქარისაგან მიმოტაცებულნი, სენი ზამთრისანი უნაყოფონი, ორგზის მომწყდარნი, ძირითურთ მოფსკრილნი“ (იუდ. I, 12), რომ ეს მეგობრები „სიყვარულთა მათთა შებიწებულნი თანა შესცხრებიან და უშიშრად თავთა თვისთა მწყსიან“ (იუდ. I, 12). გაი-

გეს ქართველებმა, გაიგეს თათრებმა, გაიგეს, რაღა თქმა უნდა, სომხებმაც, უფრო გამოცდილმა ცხოვრებაში. და ახლა კი არა, დიდი ხანია ყველამ გაიგო: ეროვნულმა თვითცნობიერებამ დიდი ბიჯი წასდგა წინ კავკასიაში. ამიტომაც ცოცხალი კავკასიელი მოღვაწეები არ უნდა განისვენებდენ უდიდებულეს მაგზოლეებშიაც. ანდერძი კავკასიის ცხოვრებისათვის დაუვიწყარის ვორონცოვისა კარგია, მაგრამ ნამდვილი კავკასიის ცხოვრება, კავკასიის ისტორიაში დიდებულის სახელმწიფო კაცის გარდაცვალების შემდეგ, არ გაცივებულა მისი ძეგლის კვარცხლბეკთან თფილისში. ახალი თესლები დასავლეთის ევროპისა და აგრეთვე, რასაკვირველია, კეთილშობილურის რუსეთის აზროვნებისა კავკასიაში დავარდა ნოყიერს ნიადაგზედ, რომელსაც უძველესი კულტურული ქვეშეთი მისი ასაზრდოებს. ცხოვრება გაფართოვდა სიგრძე-სიგანით, ფესვები ღრმად გაიდგა და წინისკენ მიისწრაფის: დაიბადა ცხოვრების ნორჩი საზოგადოებრივი ძალები, მოაკლდათ ძალა, ან ეცვალათ ფერი ძველებს და იგი ახალს ნორმებს მოითხოვს. მაგრამ ჯერ კი საჭიროა, ეხლა მაინც გაიგონ რუსებმა, ნამდვილად თვალ, გამოახილონ და დარწმუნდენ, რომ კავკასია ის ქვეყანა არის, სადაც რუსები თვით რუსეთის კანონების დარღვევას სწავლობდენ, ვითომც სახელმწიფო ინტერესის გულისათვის, სადაც შეხედულობა კულტურულ კავკასიის-ეროვნებათა ზედა, როგორც უენო ადგილობრივ მკვიდრთა, შეისისხლხორცა რამ-

დენისამე შთამომავლობის რუსეთის კაცებმა თითქოს რუსეთის სანაციონალო იდეალების გულისათვის, სადაც შეურაცხყოფა მაჰმადიანთა, ცხადი გულგაბოროტებული ურთიერთობა სომხის ეკლესიასთან, პირზადიანი ბრძოლა მართლმადიდებელ ქართველთა ეკლესიასთან, განიმარტებოდა ვითომც მზრუნველობით რუსეთის მართლმადიდებელ ეკლესიისა და რუსეთის ხელმწიფის დიდებისათვის. ერთის სიტყვით, კავკასია ის ქვეყანაა, სადაც არსებითად სარევოლიუციო მოქმედებით და ნაცოდვილევად გამოწყებულის საქმეებით ჩინოვნიკების ურდო ებრძოდა ადგილობრივს საუკუნოებით შექმნილს ბურჯებს კულტურულის ზოგად-ცხოვრებისას და მით გზა გარდაულობა მშვიდობიანს ევოლიუციურს განვითარებას. და მის ნაცვლად, რომ იგი გამხდარიყო პრაკტიკულ შკოლად, რომლისაგან გამოსულიყვენ გამჭრიახი სახელმწიფო საქმეთათვის კაცები, ფხიზელის საპოლიტიკო აზროვნების მექონნი და ჰუმანური იდეოლოგები დაუმოკიდებელ სოციალურ მოძღვრებათა, – ე. ი. მოღვაწენი, რომელთაც შესძლებოდათ მართვა უუდიდესის მსოფლიო სახელმწიფოს საქმეთა, – კავკასია, ეს მიკროკოზმი, წარმომადგენელი მრთელის დასავლეთის აზიის კულტურისა, შეიქმნა მხოლოდ ახალ წყაროდ განხრწნისათვის ეთიკურის ბურჯებისა, რომელზედაც აგებულია სრულიად რუსეთის სახელმწიფოს წყობილება. რუსეთის სახელმწიფოს იგი (კავკასია) ეხლა უმზადებს მიუტემნელობამდის დაბრმავებულს, შორს ვერ

მჭვრეტელს პოლიტიკოსებს და რუსეთის საზოგადოებას – განსაკუთრებით ხასიათის იდეოლოგებს კაცთა-მძულვარებისას და თავის თავს და სხვებს ყველას – ნოყიერს წიადაგს ხალხთა სარევიოლიციო მოძრაობისათვის. ასე მარტივია და ასე უღრმესად ჭეშმარიტია ეროვნული სიბრძნე: „რასაც დასთეს, მასვე მომკიო“. –

უმთავრესი შეცთომები

გვერ.	სტრიქ.	დაბეჭდილია	უნდა იყოს
16	17 და 18	მისს შინაარსს	მის შინაარსს
-	20	თვითცნობიერება	თვითგამორკვევა
27	17 და 18	დღესასწაულებასა	დღესასწაულობაზედ
32	3	ცალიერია	დედა-ენა მოზარდ
-	17	სურეთის	ასურეთის
41	6	არც გვექიშპებიან	არ გვექიშპებიან
12	21	შემცდარიყვნენ	შემცთარი იყვნენ
13	10	რვაათასი	ოთხმოცი ათასი
37	5	არსებითაც	არსებითად
61	28	მიუტემნელობამდის	მიუტევნელობამდის
62	7	მომკიო	მოიმკიო

@ი-წმტო.;

თინტოტ მომკიო.რ. --

უმთავრესი ფეცთომები

გვერ. სტრიქ დაბეჭრილია.

უნდა იყოს.

16 17? @ 18 მისსს ”შმინაარს

მის. 'მინაარსს

27 I7/ @ 18 დღესასწაულებასა დღესასწაულობაზედ

82

9 ცალი-ერია

დედა-ენა· მოზ·არდ

= 17 სურეთის

ასურეთის

411

6 არც გვექი”მჭებთან არ გვექი”მჭე-ბიან

12 2) რშემცდარიყვნენ შემცთარი იყვნენ

12

I-0 რვაათასი ”

ოთხმოცი ათასი

ე არსებითა(,

ი%XI

არსებითად

61 28 მიუტემნელობამდის მიუტევენელობამდი!

” მო მკიო..

62

—·მო.იმკიო·

=%

90I2992

ბ 24

_ ნ/9იბCIMელ

4

!

15311

#. M(;M